


宋遺民謝皋羽晞髮集

五卷外集下卷

慵齋藏本



晞髮集引

晞髮集有宋遺民謝翱臯羽所著翱之出處志
行其友方鳳吳謙有狀有志太史宋公暨諸先
輩有傳翱書殆百卷此集蓋其一也維宋以仁
厚立國以禮誼恭讓遇士大夫比其亡也又值
夷元猾夏而有之故食焉仕於朝者往往死其
封疆社稷以就夫義命之所安而丞相文公尤
光明俊偉震動一世迄收宋三百年養士之效
至於儒碩豪傑之士窮處於家者恥淪於夷以

毀冠裂裳爲懼則相率避匿山谷間服宋衣冠以終其身而翱則丞相嘗署以職者計其時所以處成敗利鈍死生去就者諮謀已定及丞相死於燕翱徬徨山澤長往不返懷賢憤世鬱幽之意一吐於詞卒窮以死視一時督府相從之士等死耳翱真丞相之客也蓋其君臣之所感召師友之所切劘故底於成就者如此嗚呼是豈一日而然哉此集囀抄於建安楊晉叔會馮御史執之按部至海陵囀出而閱之作而嘆曰

翱之樂府諸體侶李賀張籍近體出入郊島間古文則直溯柳柳州之派其志潔其行廉有沉湘蹈海之風是宜傳也同時之士泯焉不傳者多矣翱獨賴是集之存傳翱可以想見其餘其不傳者亦或有殘編斷簡流落人間者乎將又因之以傳也廼篋之至揚告唐運使文載運使曰此予雅慕其人而未見其文者遂相與刻之而屬囀爲之引

弘治十有四年冬十月朔中順大夫太僕寺少

卿海陵儲囀識

晞髮集目錄

卷之一

宋饒歌鼓吹曲

日離海第一

天馬黃第二

征黎第三

上臨墉第四

軍澧南第五

隣之震第六

母思悲第七

象之奔第八

征誓第九

版圖歸第十

附庸畢第十一

上之回第十二

明集
目錄
宋騎吹曲

親征曲第一

回鑾曲第二 二首

遣將曲第三 二首

歸朝曲第四 二首

諭歸朝曲第五

李侍中妾歌第六

孟蜀李夫人詞第七

南唐奉使曲第八

伎女洗藍曲第九

邸吏謁故主第十

卷之二

古體上

芳草怨

春江曲

子夜吳歌

烏栖曲擬張司業

廢居行

古釵嘆

雙桐生空井

飛來雙白鶴

山中曲擬張司業

遠游篇寄府教景熙

峨眉老人別子歌

瓊花引

短歌行

秋日擬塞上曲

故園秋日曲四首

咄咄復咄咄

桂花引

賦得建業水

賦得北府酒

楚女謠

後瓊花引

邳州哭

秋風海上曲

明河篇

射鳩行

虞美人草詞

劉寄奴草詞

雨中怨

白紵歌

陌上桑

折楊柳

廢瑟詞

飛仙引遊沃州水簾谷作

樊夫人上昇詞

俠客吳歌立秋日海上作

島上曲

落梅詞

望蓬萊

結客行

古別離

花卿冢行

和靖墓

蓮葉舟

玉井水

送人歸烏傷

覓紫芝

雨後海棠

登廣靈寺塔望南高峯

雪度

閱方史君登行狀

食齋歌送別方安道

夜宿南明縣齋

書畫梅花水仙卷
冬青樹引別玉潛

小元祐歌寄劉君鼎
句章見月食

避暑城西觀吳道子畫老君像

趙安天北遊求詩安天韶王孫作詩送之

述暑崇法寺
鄞女墓

寶幢山尋黃提刑震避地處

城西廢園

卷之三

古體下

寄題何氏綠綺樓
夏日遊玉几山中

雨飲玲瓏巖下
翠鑲亭避雨

過舒臨海故宅
缺蛇嶺長耳僧

觀水
聽雨

寄所知
池上萍

十日菊
飲飛廟迎神引

鴻門讌
贈寫照唐子良

種葵蒲萄下
送殘暑

有洗舊誥綾作青色
鬻將以爲緣以紺繒易

得之作手卷賦小樂章求好事書其後
廣惜往日

雪中方四隱君訪宿有詩憶鹿田風雨舊遊
奉和併呈吳六贊府

九日

送袁太初歸剡原袁來杭宿傳法寺寺在德

壽宮北今行路及園卽宮舊址

雜言送鄭主簿炎之官昌化

避暑池上擬古

擬古二首

九日前子善來會山中

九日集葆山寺得載字

九日禺中登沃洲放鶴峯南望天台諸山

五日山中

寄題山陰徐氏林亭三首

九日黎明發新昌望天姥峯

五日觀瀟湘圖 玉麈尾

鐵如意

謝子靜寄端午藥煎

因北遊者寄峨眉家先生先生曾宰建之浦

城故末章及之

寄東白許元發

秋暑飲僧舍分韻得界字

擬古寄何大卿六首天巖居效賈島

萍間稗荷效王司馬體

效孟效體七首

僧舍避暑分韻得入字

卷之四

五言近體

失題二首

中秋憶山中人

僊華山招隱

荅烟蘿隱者

送人還蜀未出

憶梁禮部椅

拜玄英先生畫像

哭正節徐先生

送汪十未出

檜樹

悼南上人

元日讀老子望瀑作

雨中觀海棠

哭所知

三月十日

九日韶卿子善有約不至子靜亦歸桐廬與

景雲飲瀑下作
呈王尚書應麟

山陰道中呈鄭正樸翁

送毛耳翁之湘南
寒食姑蘇道中

別子靜卻送之雪
哭肯齋李先生

八詠樓
至日憶山中客

懷峨眉家先生
哭廣信謝公

雨夜呈韶卿
莫春感興

秋日憶過秦國公主園

送道士歸赤松
送僧之天台

雪水
用韻酬友人憶寄

鼓子花
山寺送翁景芳歸觀

寄朱仁中
游釣臺

西臺哭所思
江上別友

題翁徵君集後
除夜聞雷

元日枕流亭聽雨
春日寄書代鄉人答

人日雪益
早春寄嶺海流人

過孫君文舊避地處

春日遲子芳遊烏龍山

奉和毛益亂後經太白墳

憶過徐偃王祠下作 山驛送春

蜂 雨中感懷

桐華 僧池青蛙

夜宿江山寺 雪榻瀑布

虎石 寺南小池

夏夜山房會宿賦得竹禽

芭蕉雨 中秋龍井翫月

夜坐呈韶卿

韶卿往烏鎮寄劉元益

寄贈王僉判龍澤新之官廣陵

十日菊寄所思 野霞觀瀑

巳丑除夜 元旦立春

寒食同方行父明中往淶渚舟中作寄東安

方子仁

萬松道中望南太白 雨宿太白

寄育王賢上人 海亭夜坐

採藥候潮山宿山頂精藍夜中望海

夜宿雪竇上方
魯國圖詩并序

董孝子墓

卷之五

記序

遊僊華巖麓記

自巖麓尋泉至三石洞記

月泉游記

山陰王氏鏡湖漁舍記

粵某山蜂分日記

樂閒山房記

小爐峯三瀑記

游赤松觀羊石記

金華洞人物古蹟記

鹿田聽雨記

遊石洞聯句夜坐記

睦州詩派序

登西臺慟哭記

卷之六外集

刻晞髮集叙

題蟠桃九熟圖為張母壽

棠棣

杏花

玉蘭

蘭花

震岳歌贈程無聲

過連璧館贈張伯升

送郝元瑜入山讀書

贈張玄超

送程無聲就試南都

送張士達遊黃山

送郝子荆遊石耳山

張生起潛學道精進且有濟勝之想詩以贈

之

贈張爾極

張嘉生尚友愛山有晉人風度季春廿二日

降生館走筆書此為贈

送郝仲焱之廣陵

送郝公琰入楚

酒歌

謝君臯羽行狀

謝處士傳

謝臯父傳

謝君臯羽壙志

目錄畢

目錄

目錄

目錄

目錄

目錄


目錄

目錄

目錄

目錄

目錄



晞髮集卷之一

警無

閩人

宋鏡歌鼓吹曲

太祖嘗微時歌日出其後率平僭亂證

於日為日離海第一

日離海青瞳矐沃以積水涵蒼穹神光隱豹霧

空氣呼吸為蛇龍赤雲衣紫霓從吹白衆宿歌

大風天吳遁清海宮

宋粵謝 翱臯羽父著

明欽張時昇伯升父校

於日為日離海第一

日離海青瞳矐沃以積水涵蒼穹神光隱豹霧

空氣呼吸為蛇龍赤雲衣紫霓從吹白衆宿歌

大風天吳遁清海宮

攝皇父謝

攝皇父謝

攝皇父謝

攝皇父謝

攝皇父謝

攝皇父謝

攝皇父謝



大風右日離海十四句句十二句句三句三字二句句

四字

宋既受天命為下所推戴懲五季亂誓

將整師秋毫無所犯為天馬黃第二

天馬黃產異方龍為馬白照夜氣汗雲聲奪野

備法衣引宸駕騰天垠倏變化閨之餘劇以霸

閱八姓瞬代謝駟祥靈入罟獲皇上帝監于下

誓無譁出既禡市日中不易賈坐明堂朝諸夏

賚萬方錫純嘏

右天馬黃二十六句句三字

宋既有天下李筠懷不軌據壺關以叛

王師討平之為征黎第三

黎之壑彌蒼莽逸壺關屬上黨有雄矯健日餘

宿將于故之思泣示厥像倚孽狐勢方張辨臣

獻議勸下太行趨懷孟虎牢計之上爭洛邑以

東鄉王師奄至扼其吭帝授方畧中厥狀獸窮

駭突死率以揚脅從已逮孥肆放凱歌回皇威

揚太行依吳棧讀如輩行之行

右征黎二十六句句十四句句三十一句
句四字一句句五字

東征王上親征李重進至廣陵臨其城拔之為
上臨墉第四

上臨墉戈耀日韎韋指顧流電疾臯止其魁不
及率其魁則頽曰予號自出坐于轅門斧以率
歸子往諭泣股栗語中其肝至畢述侍不及屏
沮回遁鞠投于燎甘所即皇仁閔下焉如止蹕
字
貌貅徹竈歸數實獲其棘賢納世室

右上臨墉二十四句句十二句句三字十一
句句四字一句句五字

湖湘亂命將拯之至江陵周保權已平賊
出軍澧南以拒率取滅亡為軍澧南第五

軍澧南潰飛鳥鷹隼北來龍蛇天矯帝有初命
奉致討臨於荆妖孽既掃胡駟而孕雉入蒼莽
以保王旅長駟颯振槁以仁易暴戒擊剽惟荆
衡及邠士如林磔其節蠹春葩秋陰我有造于
南尼心切式敷德音

字一句句五字

干嶽大劉銀亂嶺南為象陳以拒王師象奔蹠
大音王反踐俘銀以獻為象之奔第八

象之奔斯惟迹蹶蹶魚麗駕空雲鳥潰南草浮
浮順於貔貅焚其帑實奔厥陬皇風播平聲霧
星辰起皆北走唐季以來逾籬來味嶺海肅清
無留後于汴獻囚凱歌奏

右象之奔十八句句八句句三十三字十句句四

字播協畢后反走音奏

上命將平南唐誓城陷毋得輒戮一人

眾咸聽命為征誓第九

帝命將臣誓師于征伯禡牙于庭曰無劉我人

曲阿惟唐以及豫章孽于南國楚粵是疆我師

孔武聿禽其王始怒頷頷將臣不懌曰如上命

即起予疾弓韜於衣刃以不血收其石程焚其

侈淫視于丁寧箬羽不飲平聲取其鑄磬平聲以獻

于京于京告成垓埏既平

右征誓二十四句句二十三句句四句四字一句

句五字

錢氏奄有吳越朝會貢獻不絕于道至
是以版圖歸職方為版圖歸第十

版圖歸職方昔服跗注備戎行帝錫之旆龍
鳥章酬獻命與胥今上及秦王外臣拜稽首笑
頷帝色康畢同軌來於梁畢靈奕奕敷重光願
止劔履覲帶裳四海臣妾配虞唐

右版圖歸十八句句九句句三字五句句四
字四句句五字

陳洪進初隸南唐崎嶇得達于天子至
是籍其國封畧來獻為附庸畢第十一

清源無諸邦力弱臣秣陵間道遣進表九門望
日旌願齒鄒與鄒自達天子庭四隣彫霸業國
除洗天兵皇靈暢遐外蠻俗邇聲明歸其所隸
州乞身奉朝請音青帝命得陪祀湯沐在王城從
茲附庸畢歌以頌河清

右附庸畢十六句句五字

太祖征河東班師以伐功遺太宗卒成

其志爲上之回第十二
上之回舞干戚鳴鸞在鑣士飽力桴鼓轟騰罕
山北餘刃恢恢軍容肅穆王畿主辰參後服神
繼聖伐功率扼以偏師斷北狄矢鼓鳴房蝟集
的質子援絕新銜璧并俗嘖嘖附于化以安得
其屈產歸帝閑四夷君長來稱藩籥節夷樂示
子孫

右上之回二十六句十三句句三字十二
句句四字一句句五字

宋騎吹曲

親征曲第一

雲屯列竈駟貔貅殿前殺馬祭蚩尤勾陳蒼蒼
太白濕賊帳夢驚繞營日軍呼萬歲摧太行華
留東抹流霓光重華繼堯坐垂拱并土再駕無
葛疆

回鑾曲第二

建隆親征回鑾二之一

徂暑黎陽車駕歸掃清氛翳兵更衣江都朔雲

車駕出凱歌消冰供尚食都人引領望翠華征
人一月俱還家

開寶親征回鑾二之二

長堤夜幸士素飽孤城沈竈無飛鳥從征鹵簿
拜上恩太常朝上回鑾表

太平興國回鑾二之三

都門望氣歸瑤闕星掃茸頭落參伐西人冉冉
留紫雲六飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武
授方畧斬將擐旗各駿奔王師所過如時雨洗
濯焦枯嚮荆楚重宣德意吊遺黎素服軍前釋
俘虜全家到闕拜上恩詔書爲築先臣墓

下劔門遣將三之二

神風流霆駟偃草天兵夜下西南道虎賁長戟
來鳳州歸峽銜枚疾如掃廟謨萬里諭諸將山
川曲折圖形狀天同鬼授契若符坐減累恩虜

供帳歸來論功授節鎮饒鼓殿前歌破陣

歸朝曲第四

南平王歸朝四之一

荆南萬里朝天道巫女雲荒產芳草錦韉道賜
帶盤鵬方物南來進龍腦願陪郊祀依日光供
張歸朝親奉表勲階邑食及隸人移鎮徐戎作
家廟人生富貴侯與王四海為家皆

吳越王妃歸朝四之二

勾吳月令牽牛中

妃以開寶九年三月隨王入朝

崔莛乘風來

闕宮隨王劔履朝上殿黃門夜趣長春宴昭容
引班入內朝龍袞當中開雉扇宴罷朝辭坐局
促詔賜離宮作湯沐先王烝嘗澤有差上恩許
歌陌上花

論歸朝曲第五

淮南草溼網蟲露家在先朝父尚主真人御極
四海歸偃蹇不朝稱節度夜持鐵券為爾賜上
恩特遣儀鑾使神離魄奪取族夷功臣效命錫
龍旂

李侍中妾歌第六

李筠愛將唯儋珪美人姓劉筠侍兒城危搶撥
不得力雨損鉛華帳下啼擁髻前言馬有幾猶
說閨中郝問此赤龍從東乘日車火繞城門內
蛇死英雄際會風雲奔婦人思報羅裳恩

孟蜀李夫人詞第七

春荒曲薄蠶叢土屈狄歸朝辭廟主官家呼母
恩許歸劔閣并門無處所一作淚如雨故衣升屋棺
四繞出門哭子汴州道回腸醉酒三致辭巴蜀

如歸化啼鳥老身不食追爾魂鹵簿臨門拜上
恩

南唐奉使曲第八

孤城圍中拜右史侍書猶對重童子請行忼慨
期緩師奉命日馳三百里河流遡風車北首便
殿蒙恩引天袖臣肝有血不濺衣寸舌欲存建
王後奇胷如江湧崔嵬慟哭不得天顏回

伎女洗藍曲第九

後庭朱黃作衣裡伎女帳帷青曳地碧綠夜挂

明集
卷一
十一
寒不收緣此洗藍渟露水外間學染因得名不
省歸朝爲國氏他年寄生產鴟尾空憶空中鳥
銜子

邱吏謁故主曲第十

嶺南使鶴日教戰巫女才人謔相見南撓欲載
遠遊寇衛士盜船去不還夢見隨俘上江邱道
謁淒涼唯故吏自言置邱本先王方物入朝緣
此至聞言含咽涕灑江况乃園人舊姓龐淚辭
嶺南無歸處蒙恩祗向江陵住

晞髮集卷之二

宋粵謝 翺臯羽父著

明欵郝文棟仲隆父校

古體上

芳草怨

湘雲離離沉曉月疏麻夏死白水發傳芭楚女
辭帳中夜逐霓旌南過越荆岑越嶠殊百草恨
結柔絲香不老紅英搗鹽實斧創青子滿地枝
如掃刺桐樹朽猩猩在佩雜芳蕤散秋海鄉來

青鳳食花去瞻望靈均涕零雨

春江曲

妾身生長臨江邊
幼嫁酒家學數錢
自從夫婿去爲賈
別妾初下武昌船
涪陽歸鴈不寄影
嶺州書到已三年
別時夢指水爲誓
惟有海鳧見妾泪
愁拋錦字下中流
卻見海鳧淚如水

子夜吳歌

玄髮照秋水
茱萸香未歇
風吹夜合花
露溼衣上月

烏栖曲擬張司業

吳宮草深四五月
破楚門開烏啼歇
美人軍裝多在船
歸來把弓墮
弓弦越羅如粟
越王獻宮中養蠶
不作線
轆轤出屋井水淺
梔樹花萎子如繭
烏栖烏啼宮燭秋
越女入宮吳女愁

廢居行

海濤翻空秋草短
白蛇入窠啗雀卵
經年廢屋無居人
孕婦夜向船中產
歸來多雨曰生魚
穴蟲祝子滿戶樞
隣家置屋供官役
買得沂王園

令宅

古釵嘆

刑徒鬼火去飄忽息婦堆前殯齊發白烟淚溼
樵叟來拾得慈獻陵中髮青長七尺光照地髮
下宛轉金釵二持歸薰沐置高堂包裹恐爲神
所將妻兒朝拜復莫拜冉冉臥病不得瘥省知
天物厭凡庸夜送白龍潭水中扣頭卻顧祈免
死未入幽宮伴龍子

雙桐生空井

風飄白露井梧落葉上丸丸綴靈藥琴枝連理
鳳鳴晨轆轤雙轉銀餅索

飛來雙白鶴

飛來縹緲立在門嚼銜竹花臆欲言雄雌來去
眼如霧客已彷彿知其人笙簫忽遠不知處知
在雲窓與綠戶

山中曲擬張司業

夕煙沉曙煙起野爨溼茫茫空竿弄塵水枿欄
倚西南雲生葉團團如車輪桑弓蓬矢半刀筆

去者送盡無來人捫蘿慟哭衫袖冷白首空回
掃山影

遠游篇寄府教景熙

朝遊扶桑根不折拂日枝莫食楚萍實掬海見
虹霓黃鵠別我影目盡漢水湄况復銜其子風
露何當歸飄蕭軟桂叢零落紫苔衣夢魂知爾
處落羽在瑤池

峨眉老人別子歌

峨眉有老人奉命過嵩少天風吹西翼冉冉明
夕照溼塵紛墮天髮白更待報有子為異物不
得入家廟慟哭東南雲相望滄海嶠青鳥年年
來寄書久不到

瓊花引

后土祠前車馬道天人種花無瑤草英雲蕊珠
欲上天夜半黃門催進表酒香浮春露泥泥二
十四橋色如洗陰風吹雪月墮地幾人不得揚
州死孤貞抱一不再識夜歸闌風曉無蹟蒼苔
染根煙雨泣歲久游魂化為碧

短歌行

秦淮沒日如沒鵲白波搖空溼弦月舟人倚櫂
商聲發洞庭脫木如脫髮寒蟄哀啼衆芳歇晨
梳青林望吳越吳歛越吟浪花舞秋槎溼劍歸
無所愁生酒醒聞山雞石鏡飛花汗如雨起招
如意擊樹枝爲君悲歌君淚垂

秋日擬塞上曲

落日墩塢北妖星太白西涼風吹沙磧帳下玉
人啼吹沙復吹草嘶馬未知道醉後聞塔鈴胡

天忽如掃野駝尋水向月行露下胡兒食秋棗
故園秋日曲四首

空園久閉無人住城烏應入巢其樹食盡滿園
綠荔枝引鷓飛去人始知

茅茨竹外煙火青杉雞啁晰向田鳴家家紅鹽
殷新杵綠樹裏劊子如雨
龍蛇已去荒窟宅翻藕人人下劔池岸池藕盡
無浮葉惟有青青榕樹枝

粵王山下霧如雨吹入羅襟楚女啼身逐千艘

落南去惟有檣鳥飛向西

咄咄復咄咄

咄咄復咄咄野風吹雲起草垓竹塵陰陰不見
山雞飛上樹海沒鶻人間舊事新白頭淮南小
兒未識愁淮南老翁叫無力瓦盆盛水看日食
桂花引
風生河漢吹鳴璫桂宮神斧伐遠揚西游真人
得奇曲九門不鎖天雨霜人間青煙溼塵鞞藥
臼嗟峨壓天夢

賦得建業水

建業水秋風動揚子魚龍夜落星斗南潮沒潮
生蒼鶻起他年冠蓋物具美風吹小舡入城市
潮去不來風日死白浪黃塵煙霧裡中有長魚
食鱸鮓邂逅食魚何處是西上國門望武昌風
雨徙魚來漢陽武昌魚勞聚寒慘太白入月魚
腦減武昌城頭鼓統統

賦得北府酒

北府酒吹溼宮城柳柳枝著地春垂垂祗管人

間新別離離情欲斷江水語女兒連臂歌白紵
淮南神仙來酒坊甲馬獵獵羽林郎百年風物
煙塵蒼老兵對月猶舉觴青帘淚溼女墻下增
識行軍舊司馬

楚女謠

楚山蕭蕭吹紺髮楚女采蓮歌夜發年年種蒔
遲成藕水深拔根絲在手懸房學繭秋雨多化
爲魂夢巢蜂窠前花作實采已盡後花尚藥船
未過昨昔浮萍隨漲水溼紫寒青裹蓮藥

後瓊花引

揚州城門夜塞雪揚州城中哭明月墮枝溼雲
故鬼愁西來陰風無健鶻神鴉愁空衆芳歇一
夕蒼苔變華髮宮花織簾塵掩襪玉華無因進
吳越灘灘淮水山央央誰其死者李與姜
邳州哭井水竭去年哭母瘴海熱今年此日來
邳州母死未禪子爲囚邳州土溼淚長在化爲
蒼苔色不改雨洗遊魂歸瘴海

秋風海上曲

秋風吹水龍上天龍女抱珠海底眠水花生雲
 起如葑神龍下宿藕絲孔巨鼈鼻扇鼉鼓隨赤
 魚鱗鬣陳於旗海人見此失掾網歸對妻兒月
 下紡自言移家來磧中十載秋風潮不上老夫
 一人語門前見此已是開皇年

明河篇

牽牛夜入明河道淚滴相思作秋草
 婺女城頭翫月明星君冢上無啼鳥
 天寒露淨沾衣巾明

河倏化為白雲雲飛蛇蛇秋在水石壓槎頭海
 烟起

射鳩行

少年搦弩挾兩矢朝射青鳩暮射雉人言雉
 蛇所化欲食躊躕筋不下街頭得錢爭買鳩網
 林挾藪無時休老父勸兒食且止燕安有毒况
 珍美爾不見鳩食半夏鳴爾屋爾毋食鳩有藥
 毒

虞美人草詞

明皇集 卷二
髑髏起語鴟叫嘯山精夜啼楚王廟渡淮風雨
八千人叱咤向天成白道身經百戰轉危亡狼
籍悲歌出漢堡夜帳天寒抱玉泣血變草青烟
曉溼他年辟仇春草生吳中草死無妾名自從
爲草生西楚得到吳中猶楚舞

劉寄奴草詞

榛中小草夏蔚蒼葉如牡艾花如毳少年防塞
得命生出鏃肉中無粟起向來神姦見白晝溼
竹煙青聞杵白英雄奮臂徵此時唾落虛空散
林藪漢家白蛇入本紀况是天王舊支子豈知
苗裔在民伍蛇鬼猶呼帝小字

雨中怨

妾在江南家楚東憶君月落雨聲空夜來入夢
君無語落月同看雨不同
江頭蓬沓走吳女浣水爲花朝浣紵晝隨晴網
曬日中夜覆井闌飄白露織成素雪裁稱身夫
爲吳王戍柏舉田家歲績供布縷獨夜詎如妾

白紵歌

春風吹白紵歌

愁苦

王公林舉國家
日中陌上桑

旭日瞳矓颺拂羽落甚空條生曉霧人生顏色
逐春妍夏葉餵蚕少絲縷蘭膏照蠶未登簇露
溼頭梳惟水沐卻憐隣女學鍊真藥爐七過煮
桑薪縱逢蕭史上天去甕盆生苔愁殺人

折楊柳

月時折柳江頭別春去來看柳上月翠翎小鳥
巢短枝巢老重重編敗髮人生貧賤多別離巢

中髮密妾髮稀人生富貴能幾時年年柳色青
綠垂

廢瑟詞

發埋空山敗繒客草中惟弃秦時瑟樵夫拾置
貽樂工朱徽作絃如墨色自從漢曲入饒歌清
廟無人傳不得至今崔嵬聲已死越匠春蟲聞
咒子

飛僊引遊沃州水簾谷作

赤城後門桃花尾溼浸蘼蕪洗蒼耳小支菩提

海上來天風吹下谷簾水斜珠界左轉復右華
蓋縣肝三葉紫內間肉芝承乳流鬼母僊姝臨
洗胃蒼龜守關朝太微色阻讒神誣奏事海桑
男子在謫籍驅鹿行車閩年至

樊夫人上昇詞

四明山樊榭卽漢劉綱與夫人樊氏上昇

處

石蠓粘牕秋見海山雞夜啼弄毛彩王孫吹笙
導夫人青髮凌風素霞在雨塵離地白浩浩河

西種星榆樹老海桑童童日出歸衣溼上池洗
頭草

俠客吳歌立秋日海上作

潮動秋風吹牡荆離歌入夜斗西傾似飛廟下
蛇含草青拭吳鈞入匣鳴

島上曲二首

皮帶墨鱗身卉衣晚隨鬼渡水燈微石門犬吠
聞人語知在海南種蛤歸

夫招賈客歲經遼自到城中賣織綃卻買鉛華

采珠母檳榔露下月中調

落梅詞

北風花糝枝春風花糝衣青鳥夢中見畏來花
下飛豈是得春遲因緣別春早夜溼灞陵苔半
在古馳道入瓦雪冥冥離樹香草草那無返魂
術不忍見春老

望蓬萊

青枝啼鳥波延延方士指海談神仙五雲垂天
光屬夜老父相傳說車駕千官此地佩宛宛舟
發黃門止供頓繞檣赤日護龍旗西北驛書馳
羽箭百年塵空滄海晚月落無人度灞澹雞鳴
白石爛如銀蓬萊不見夷州遠

結客行

結客衛京師棄家南斗陞相看各意氣欲取遼
陽歸事左脫身去豈爲無所爲家藏楚王子手
執五陵兒泣奉先主令白旗彘天揮鞭死讐必
報函首捷終馳力盡志不遂以死謝漸離

古別離

仙人別母母哭啼遺以神藥乃醉之醒來哭定
記兒語食此庭前雙橘樹葉能禦饑病能愈豈
似當時逐兒去隣翁有女立我前取刀剖腹爾
勿憐但爾嫁夫能治田生子不願生神仙

花卿冢行

山谷云花卿冢在丹陵之東館鎮至今猶
有英氣血食其鄉

溼雲糝糊埋秋空雨青沙白丹陵東莓苔陰陰
草茸茸上聲云是花卿古來冢花卿舊事人所知

花卿古冢知者誰精靈未歸白日西廟鴉啄肉
枝上啼絲州昏黃魂正飛

和靖墓

山中處士白麻履死後無書獻天子青童玄鶴
晝上天夜下玉棺葬湖水湖隄四合葑如髮芳
樹玲瓏倚春雪百年鳳舞雲霧空玉椀人間出
句越宮嵐塔雨恍如失飛網繞湖寇聚鷓琳宇
焚芝秋寂歷斗下無人祠太乙

蓮葉舟

溼雲冉冉依芳芷楚女神絃迎帝子天人種蓮
露染根一片碧花秋墮水笙簫聞聲影如夢浮
花漠漠船來重神蛟脫腸江水湄化爲五色光
陸離中有玉人跨蛟舞藕根斷絲胃人衣碧瞳
秋髮眠清夜按肌不粟清露下

玉井水

玉華翳日神封井液冷秋根洗雲影年年天女
下來觀露溼風吹太華頂冰枝脫葉墜欲舞青
鳥伺枝忽銜去夜深井氣白吐虹井中龍子如
守宮凡人不敢飲此水往往夢寐游其中

送人歸鳥傷

湖邊老屋墻壓籬饑鴉啄雪枝上啼湖中葑田
產菰米菖蒲花開照湖水蒺藜老翁呼不起曾
入東宮教皇子文雅風流俱掃地瓦磚擲人老
兵醉後園小坊近市廛借人樗蒲無稅錢君歸
故里何所憐

覓紫芝

少微昏見紫觜觶中山深夜氣光流虹青芝獨產

林下石染根溼雲如紫漆天門夢斷路初回山
鬼守根不敢食銀泥徹鎖守者疲老翁持咒取
夜歸明當食之間鬼哭對爾洗腸還入腹

雨後海棠

春光搖搖一萬里野粉殘英空蜀水天人愁溼
紅錦窠萬里移根泪如洗蒼苔裏枝雪墮地雨
中聞有西南使化爲黃鵠凌空青開時銜花落
銜子綠章青簡下蓬萊滯魄游魂恨未已至今
鸚鵡啼猩紅不隨明月堊空中

登廣靈寺塔望南高峰

寺碑紀太宗潛藩時事

城池風煙杯渡僧廣靈孤塔懸晝燈塔燈上齊
南高雲南高峰巔祠歛神靈旗蕭蕭卷清雨結
喉巫陽能楚語回望人煙塔峰北惟有空城臨
水滸赤蛇不神江海翻藪澤狐狸作巴舞當年
介弟階防禦玉鸞青鞭上天去

雪度

千山萬山雪崔嵬欲流不流水洄洄螿熊出穴
戍草短客行心急夢歸來南園桑柘未生葉南

曉髮集 卷二
溪渡頭不可涉朝種木蘭拔爲楫

閱方史君登行狀

九江黥王所理州衰年仗筆作諸侯唐人舊隱
衣冠盡歸闖宮潮不得覲天吳舞罷塵土飛甘
入音載腥雲寄空殞當年電隙豈所問生死身名
惟轉瞬睦人共說方饒州番人作廟祠唐震

食薺歌送別方安道

山中薺發燒餘地與君爲客同食薺薺長故君
收燼余君歸食薺如食茶我家甌越草應出土

溼烟青歸不得相逢舉酒復爲別對君盤中不
忍食

夜宿南明縣齋

朝陰扣舷清剡曲暝投天姥峰前宿桂蟲食葉
露溼身影落莓苔雲蠹蠹天風吹枝斷未殊夢
尋杳靄來絳車下車者誰藏姓氏夜嚮瓊臺讀
諸子覺來隱隱聲在耳月白西南望爲水

書畫梅花水僊卷

風吹鞦韆露明微照芳雲弱植仙妹廟髻鬟零亂

在枕函月裏羅浮夢中到鮫綃拂塵蟬翼隔窓
霧凝寒唯影入曉來坐對殘空標翠翎不見額
黃溼

冬青樹引別玉潛

冬青樹山南陞九日靈禽居上枝知君種年星
在尾根到九泉雜龍髓恒星晝實夜不見七度
山南與鬼戰願君此心無所移此樹終有開花
時山南金粟見離離白衣人拜樹下起靈禽啄
粟枝上飛

小元祐歌寄劉君鼎

前甲子小元祐句章祲黑權臣死端平天子初
改紀襲芳泰陵種蘭芷當秋淮甸枯草黃彎弧
北向射天狼狐南星光天狗墮入蔡生擒完顏
王是年南海無波浪月溼珠胎君以降只今六
十空白頭獨騎麒麟補春秋天回星周美惡復
人世更傳蔡州錄

句章見月食

穀州見月如魚口沫聚痕消暗牕鄞城見月

如破白棄藥含光掛南斗龍蛇伏氣諸腦空水
中睡失群陰母其間海禽獨夜啼黑雲赴海同
奔犀市人識母不識父擊柝摧扉救月死况值
蕤賓月十五干神附甲支在子孤子哀吟離楚
尾泪落荒江弔南紀猶憶秦淮哭日年不敢仰
視看盆水

避暑城西觀吳道子畫老君像

溼煙掛龍天海頭角城溽暑如炎州白氛翳景
失樓閣蓬萊縹緲不可求解衣揮塵子城下地
湧青蓮隣古社卷簾看畫人猶龍矯首見龍還
見畫碧幢髮雪垂過耳弄筆者誰吳氏子

趙安天北遊求詩安天韶王孫作詩送
之

海雲抱漚海水熱道路征人裹冰雪憐君獨作
萬里遊雨把蓮莖手中別蓮莖刺多蓮葉溼翻
爲君衣覆爲笠汴南淮北多故人馬上相逢泪
相揖故園萋萋長草根遲君歸來洗雨痕青鞭
碧影角湖曲芳夢猶到韶王孫

迓暑崇法寺

城南古寺涼生處草色遙連孝子墓
基局雨生苔鮮文袈裟晴挂芭蕉樹
自昔闍黎脩白業會公唯與舒王接
只今塵土影堂空石上猶鐫麻紙帖

吳河海倉

歸作夜倉

鄞女墓

網草新垂月中露青禽夜宿菱塘階
寺西幽脩雲覆土知塋舒王下殤女
百年光塵事事新皇子夫人墓作隣
民間厭勝祈新鬼穉鬼久隨風雨陳
去來侶爾勿復道白下鍾山夢中老

寶幢山尋黃提刑震舊避地處

甬東寺裏逢陳若雙袖龍鐘行帶索
問知黃公舊避逃寶幢山下坐叢薄
日惟一食禱先靈不願拾得不死藥
仰天呼號得正終一往不復至城郭
公初著書女立旁公死母亡家濩落
予爲戶曹取公女欲叙因由無與語
得來與子行林莽月落山空識其處
車婦夫容青賦湖洲里美

水門火城西廢園
濮氏柳絮吹草前
晴暖當日

水門夾西雨連越鄴瓦畔殘莎草茁誰知當日
 夫容園溼路迷城暗車轍夫容青根聯戚里美
 人對博蓬山裏潮痕欲上紅露晞知是日高梳
 洗起園南禁絕人行道中有民間舊宿草廢園
 起堡鳴竊脂寒食始應通祭掃

晞髮集卷之三

宋粵謝翱臯羽父著

明欽郝之壁子荆父校

古體下

寄題何氏綠綺樓

北岸有高樓其南多藥樹仙人晝采之遺佩鄉
 江渚化爲綠綺琴軫微微已具有客來南方振
 衣坐其處風吹朱鳥巢欲落鳴至曙山分地肺
 雲水流天目雨別去重所思別時不能去

夏日遊玉几山中

曳舟來山中出郭稅吾駕獨慕忻衆勝晨發乃
及夜豈無城中山受此足幽野橫陳玉几峰隱
護瓊殿瓦并州古男子禮塔於此舍而我飲冰
人猶爲內熱者擬携桃枝笙舒卷得餉暇明席
織海草因之一枕藉冷風吹雪空相與坐其下

雨飲玲瓏巖下

垂雲起嶽嵌衣被松與桂夜含星斗光隱若金
石氣雨來輒阻之不得撫蒼翠下有桑門子飲

用陶匏器盆中蓄海石左顧如牡礪疑此磧上
來不知幾年歲桑門却問客所居何姓氏回指
南海峰蒼茫儻一至

翠鑣亭避雨

亭有魏王妃所題字尚新
王嘗以皇子成德軍節度

使鎮明故
妃至其處

客有遊山衣著久如薜荔行行萬翠亭忽作風
雨憇仰面無所覩梁間有題字問此何人書婉
婉有弱氣云昔魏王妃學書侶李衛乘雲到此
山灑墨在空中翠塵風吹土花倏忽景物異疑此

夢與仙不類人間世

過舒臨海故宅

破壁溼海蘚水退日氣蒸云是舒公宅其孫艾
且仁昔公初作尉視事卽斬人上書稱臣亶待
罪滄海濱天子有詔至汝亶可治民爾時荆文
公上方邑之勤聞此輒異之久會公秉鈞謂此
非狂狷引用至中丞立朝思蹇諤庶以報君親
蘇公下詔獄讒者用事新於此與有力豈爲重
其身晴風吹海雨山川尚橫陳俛仰勿太息徒

爲驚爾隣

鍊蛇嶺長耳僧

嶺上有神僧風吹豎兩耳云昔垂至肩手提忽
然起遊方得至術來此制蛇虺衣縫獨繭絲裂
縫蛇盡死至今山下草食之蠱可已客去勿復
言海隅多幻詭

觀水

積陰生壑雨野水學江流對屋見燈火相望南
渡頭浮槎到高樹白龜起滄洲變恠若不測神

功安能尤稍退見涯涘及來痕沫收崩疇出白石隱隱如博投水楊洗荒根素髮生古愁見此倏若化故流還膠舟荒源不可詰欲盡山雲求

聽雨

山厨壓炊煙野雨起薄莫孤客臥空牀不識門前路回風已若休入壑忽如赴荒林啼鬼車往往不見處隣翁起厭勝咒作禹餘步聽雨雜咒聲起歌助其語咒靜雨亦止還眠向窓曙

寄所知

何處識君面青天雲霧裾携琴上衡霍玄髮向風梳別去看流水三年此蹠躄偶同海鳥夢爲致空中書

池上萍

浮萍隨漲水上到荷葉端水退不得下猶粘花萼間花殷青已見葉翠枯始斑何如根在水根蒂相團團人生慕高遠風雲事躋攀絕髯尚號叫化爲鶴與猿幸未及枯槁萬里吾當還

十日菊

今日非昨日尚覺秋英好明日異今日秋英詎
云早所以惜芳人采擷常貴少而彼千載士憐
爾獨皎皎晞霜敷朝榮零露抱夕槁千載且復
然一夕寧恨老

飲飛廟迎神引

劍歌兮擊筑菱青兮蓼綠夕濟甬兮沉玉步巫
兮禹孫葺神藩兮楚軍神之乘兮海雲嚙芳兮
越兕斬將兮神祐秋零露兮爲醕春集鴉兮神
語風蕭蕭兮滿旗雲之車兮來思

鴻門讌

天雲屬地汗流宇杯影龍蛇分漢楚楚人起舞
本爲楚中有楚人爲漢舞鸛鶉淬光雌不語楚
國孤臣泣俘虜他年疽背怒發此砭礪雲歸作
風雨君看楚舞如楚何楚舞未終聞楚歌

贈寫照唐子良

吳中泉史今代畫不獨畫人兼畫馬唐生家住
金華雲對予獨寫畫古人夕陽西下東流水紛
紛古人呼不起東都留守吳中豪王府勳僚舊

俊髦當時氣薄陰山日勾陳蒼蒼太白高百年
水竭海塵上誰見凌煙拂蛛罔霜髯磔磔開清
新彷彿猶帶黃河水忽疑稍會怒色止或可從
傍窺諫紙唐生見我淚如洗頗憶古人今不死
俟我氣定神始閒命筆更起唐衣冠

種葵蒲萄下

茂葵花種蒲萄下年年葉長見花謝蒲萄漸密
花漸遲開時及見蒲萄垂微風搖曳架上枝陰
雲凝碧行琉璃天人下飲蒲萄露花神夜泣向

天訢謝爾蒲萄數尺陰不如寸草同此心

送殘暑

向已送殘春當茲送殘暑離尊雖不同時節會
有去平生苦汗塵欲避無處所驪駒出商音畏
不將風雨却憶別花時紅塵挽衣履回首漢諸
陵落日無窮樹

有洗舊誥綾作青色鬻將以爲緣以紺
縉易得之作手卷賦小樂章求好事書

其後

吳宮輦路傷行客
蘭水壓雲凝曉色
門前新掃
染家隣借人鋪設
殘衣帛官花翦綾
連院號覆
取翻青成一道織
紋宛轉勅字新知
是初誰六
尺誥城霞失彩宮
薛病中與海圖上
衣領改顏
倖售緣所遭褪藥
玄香洗藍影青綢
易得淚承
捷擊筑楚歌無故
業歌殘求書好事
人異代儻
傳誥綾帖

廣惜往日

天
密真院絕粒示兒
宋禮部侍郎謝枋
得所

作也粵人謝翺用其語爲楚歌以節之其
詞曰

漢有臣兮龔勝
卒噤不食兮十四日
今忍饑兮
我復渴道間關兮
踰半月幸求死兮
得死苟不
得兮無術鳳笙兮
龍笛燕群仙兮
日將夕風吹
衣兮珮蕭瑟駿龍
兮寥天行成兮緣
畢

雪中方四隱君訪
宿有詩憶鹿田風
雨

舊遊奉和併呈吳
六贊府

金華入北山空響
出靜竚鹿田在其
顛肺石鳴

風雨有客六七人昔遊至其處唯我愁不眠起
坐蹴君語謂此定何聲百感生離緒玩非琴與
瑟復異砧將杵醉者呼不應愁者自爲苦空櫺
冷孤衾展轉如巢樹溼歌散餘悲以足拊柱礎
爾來又七年欲至因羈旅傳聞老桑門已復蟬
蛻去入山惡少年巾鉢空其聚乃知人世間何
者爲客主而我同懷人忽復異處所夢中遙相
望各抱不售賈有客不同遊亦是同懷者地主
况有期輿馬不待假儻規宿山中時人不應舍

九日

秋風颯以至今日重陽日眼明對南山尚想陶
彭澤向來建威幕頗見有此客驅車不小留駕
言公田秫一朝又棄去此意誰能識寄奴趣殊
禮風旨來自北只今王江州建國功第一故是
何珉孫舉動良足惜飲愧望柴桑稍以自湔滌
殷勤白衣餉猶恐不我卽中路候籃輿要致已
甚迫葛中赤兩脚頽然向林宅此翁本坦蕩焉
能苦違物雖然可計取中實未易屈華軒又何

羨自載返蓬華終身書甲子往往義形色如使
磷與緇安得爲玉雪籬邊菊弄黃粲粲正堪摘
我方持空觴千載高風激中流刻蓋興要姓
可來送袁太初歸劔原袁來杭宿傳法寺寺
在德壽宮北今行路及園卽宮舊址是
大雷山下鄞江口石溼落星海涵丰莓苔瓊函
居鬼神散髮天衣夜行酒百年綺語墮凡塵劉
公不還謝公走祗今零落三秋霜猶說先朝人
物藪道逢袁家羨年少欲挽吳潮歸兩袖自言

學出戴君門又說舒君忘年友舒君白頭爪塵
垢戴君業成衣露肘君來何處覓知音吊古淒
涼無老叟出門擇語歸計餐顧忌慚皇無不有
不如歸食空江槎初生淡菜如珠母風帆送客
來夷洲白恰青衫談不朽君不見君今宿寺多
勤僧耆舊能言幾人在隔牆食柏秋麝過廢石
坡陁舊南內

雜言送鄭主簿炎之官昌化

鄭嘗兩請福州文解皆爲詞賦第一

劉先生名肩吾閩中詞賦天下無當年戰藝誇
顏色進士出身兩回得盧公里人正在朝相見
相逢九官宅余時猶弱起慨忼謂此未足榮其
鄉丈夫事業在簡冊要令姓字留耿光繼聞鄭
君年最少人物氣象尤堂堂白鹿山南介公後
禽蛟兩祭獅子王夢蒐欲見無由據側荔芭蕉
春復暮時移乃爾來雲間因作廣文求主簿顧
予多病澀語言面垢毛焦著麻布山中乞食城
中歸徵詩送贈非所宜已聞之戍嚮昌化此地

人傳多畏怕龍居嗜燕烟入巢病甲垂欄腥雨
下又聞山鬼吹燈夜來向人家避官舍君持何
術徑往居此無百憂便將天雷斧柄塞鬼穴巫
山鍊鑠沈龍湫祗足自亂不得休豈知從心致
禱動幽隱使龍無嗜鬼無愁不知君能致此不
龍不須酌以酒鬼不須祭以肉秋旗卷雨曉案
烟時向縣齋望天日

一作龍不須鍼以砭

避暑池上擬古

遊子渺天末晨光東南馳良時不易晤胡爲徒

來茲叢栢結夏塔輕蒲生夕颺空有齊紈扇團
團手中持持此欲未久但感顏髮衰愛爾雲中
鳥浴彼道上池餘翎委弱藻飛去猶淪漪極目
送不返將以窮所思

擬古二首

翔鱗化海鳧不化腦中石人生棄井邑寄處終
爲客常懷墳墓思永夜良跼踖秋風吹蓬顆索
索如布奕上爲考與曾下爲叔與伯豈無故鬼
悲翻念遠行役服藥得神仙去後唯留迹忽夢

南遊雲相逐孤飛翮

嶠南毒草花離離北潭址洗花潭洞中水黑魚
盡起豈無建溪芽投之以方七南山有雨來百
毒化爲水臨流招故人洗髮弄清泚

九日前子善來會山中

朝尋寒露枝莫摘不盈把風吹西南雲幽情誰
與寫有客來縉州遺我古盞竿中有鴛鴦文色
如銅雀瓦浮以鬱金蕤蒼蘚藉其下此物寧足
感聊用助歌者但懷郢曲悲豈計所知寡

飛鳥集 卷三 九日集葆山寺得載字

貧居懶出門未到輒復悔偶尋秋夕英顧見石
璀璨手斲松根苓下有墳千載青山如葆羽無
人禁樵採狂歌呼麴生悲往興故在未卜遇浮
丘猶堪居畏壘

九日禺中登沃洲放鶴峰南望天台諸

山

鏡面小蓬島入剡脫我驂含權來沃洲下嶺見
精藍脩眉浮天姥天台在其南良遊愛九日巾
墮髮不櫛醉浮秋夕英饑食决明實遠尋竺僧
迹俛仰千載陳狂呼許元度王謝十八人彷彿
川谷應草木皆冥冥使欲卽之語又疑物所馮
閉日游泰初寥廓以爲隣

五日山中

東隣拔蒲根南隣燒艾葉艾葉出青煙蒲根香
勝雪乾坤生燐火陰碧期月光光隨艾葉散進
此菖蒲觴蒲觴益齒髮齒白髮如漆餘飲不盡
器置之五七日五日化爲丹七日化爲碧一服

一千年令人生羽翼

寄題山陰徐氏林亭三首

諸本俱作二首小華陽亭一首乃

見南亭

擬古

青林見危構南山覆其陔林居何爲此所愛烟
霧姿上有鷓鴣鳥來從溟海湄飛止不他鄉畏
與宿願違違此頃刻間萬死莫贖之而憂中夜
露辛苦溼毛衣毛衣豈願溼卽溼非所辭莓苔
與薏苡含弄寄相思

山陰茅宇

山陰久淒涼復爾見茅宇客來愛其人問此於
誰語自云邇先塋玩構亦廬處朝光凌爽氣初
巖亘脩渚平居狷介心祗以自爲苦日夕驅其
奴名之同所惡驅汝汝不辭我懷良可悲

小華陽亭

句越山中長木蓮華陽仙女此餐烟松花飄落
無尋處都在徐君劔樹邊

九日黎明發新昌望天姥峰

南明剡東山虧蔽草與萊前岡接遠阜樹石如

苔莓西南見天姥旭旭雲日開下有采藥徑仙人招我來手持白菊花泛以青螺杯傾杯化靈藥蕤芳入客懷俛視浮爨居白氣爲塵埃涼風吹脫巾一往不願回便投此策竹騎龍下天台

五日觀瀟湘圖

五日泣江離騷人沉佩襟年深弔古客滿門垂艾葉旣垂青艾葉復執畫舟楫明時內閣子供奉進瑤帖豈復懷沅湘歷舜翹往牒江流物色改看畫淚承睫彷彿舊居人指點失故業三戶

空鳥啼九疑列如堞

玉塵尾

客持塵尾柄色奪環與玦塵心隨影祛一片若行雪神獸潛空山何年探靈穴忽失落人手遂爲談者悅陰厓起白氣篆古踰軒頡一拂沉蘚文再拂字不滅三拂蛟螭騰世眼不能別投爾陰厓顛驚怪吐其舌

鐵如意

仙客五六人月下聞婆娑散影若雲霧遺音杳

明集 卷三
江河其一起楚舞一起作楚歌雙執鐵如意擊
碎珊瑚柯一人奪執之睨者一人過更舞又一
人相向屢傴僂一人獨撫掌身挂青薜蘿夜長
天籟絕宛轉愁柰何

謝子靜寄端午藥煎

麩桃弄朝煙含蟲鍊百杵山人入藥籙搗日月
逢午甘酸雜衆味能生玉池乳頗憶越唵人性
靜無所苦中年白髮生寄以潤肺腑爲謝山中
人願結山中侶

因北遊者寄峨眉家先生先生曾宰建
寧之浦城故末章及之

靈關高縹緲縹緲出曾城其上盤紫雲倏忽牛
馬形交青不栖樹浴彼清泠泓唯有孤鸞鶯銜
命此山靈迎風遡寥廓杳杳西北征羽毛中道
折六月霜霰零回首靈關雲淚下如懸纓
江淹所治縣粵王曾種樹山人雨後來空臺唯
宿莽故人出端平子孫今不武寥寥南峰寺枯
禪尚靈雨猶記桐鄉祠影前及僧語

輒尚靈寄東白許元發

昔我來南方采藥與君遇仙核墮寒蕪水花明
 遠渚雲空叅語外露下離立處別來荒烟中五
 閱寒與暑寒暑豈異初肌髮不如故聞處人道
 變未得世病愈驅車望東白此情那可遡儻及
 乘青蜺為君拂塵羽

秋暑飲僧舍分韻得界字

夜露搖井梧明河涵左界酣眠知何益筋力久
 已懈餘氛薄中餐幅巾無所挂欲去豈不能有
 興輒中敗浮醅濟瓜茗陰鼎漉薑芥忽醉此山
 中解衣如脫械涼颼掃地生塵暑焚香邁空巢
 見落毛石髮卷如蠶

擬古寄何大卿六首

空山產桐梓擬作膝上琴棊成不他飾種漆江
 之澗獨無微將軫何以發商音但得獨繭蠶飼
 之扶桑陰烹魚腹有膠不患海水深
 雄雌雙碧雞所食琪樹蘂來棲藥洞中當春怕
 乳子其雌秋別時守此唯雄耳可憐銜子歸萬

里渡海水
世傳賣藥翁
出市恒騎虎
竭來空山中
恨不輒與語
長嘯歸無家
獨指梧桐樹
旣指梧桐樹
復采梧桐子
持以贈所思
浩歌聊復爾
石間道人影
見者恒髣髴
浮雲過列仙
與語呼之
出身亦竟不
出影亦竟不
沒含涕謝
仙人天地此
終畢

流來山中花
紺碧二百里
漪漪歛硯雲
含風入秋水
五芝與八石
往往產其津
豈獨祕靈文
亦復隱奇士
不見施家郎
詩詞獨清泚
一朝控白鸞
吹笙洗塵滓

山人食木實
竹實以飼鳳
聞此來空烟
三載脫塵鞅
不見玉笙音
唯聞溪鳥弄
西臺憶故人
野祭忽如夢
仰視浮雲馳
不覺哭之慟

巖居效賈島

巖巖百尺屋
山鬼寂四壁
獨抱震餘桐
橫此風中石
夢見一道者
手持青瓦礫
謂此有至音
世人不能識
粟塵起嗟峨
滄海寄一滴
語罷失其

處覺來空嘆息攝衣起楚歌斷絃如裂帛懸藤
月露深蛟龍舞其側

萍間稗荷效王司馬體

初萍半含絮頃刻開數畝荷生浮其間風雨足
解后百年游子心欲作千歲久昔爲浮萍根今
爲稗荷藕荷高刺已生魚遊觸其首離離荷下
萍吹向白魚口

效孟郊體七首

手持菖蒲葉洗根澗水涓雲生巖下石影落莓
苔枝忽起逐雲影覆以身上衣菖蒲不相待逐
水流下溪

移參牕北地經歲日不至悠悠荒郊雲背植足
陰氣新雨養陳根乃復佐藥餌天涯葵藿心憐
爾獨種參

參

閒庭生柏影荇藻交行路忽忽如有人起視不
見處牽牛秋正中海白夜疑曙野風吹空巢波
濤在孤樹

落葉昔日雨地上僅可數今雨落葉處可數還

明長集 卷三
在樹不愁繞樹飛愁有空枝垂天涯風雨心雜
佩光陸離感此畢宇宙涕零無所之寒花飄夕
暉美人啼秋衣不染根與髮良藥空爾爲
越禽惜羽毛不向惡木棲木奴重踰淮愛爾巢
其枝巢枝不食實中有二老碁乳子月明中夢
繞東南飛

弱柏不受雪零亂蒼烟根尚餘粲粲珠點綴枝
葉繁小榻如僧床下有莓苔痕對此莓苔痕三
年不敢言莓苔儻可食燕雪待朝暎豈無柏樹

子不食種在盆

閨中玻黎盆貯水看落月看月復看日日月從
此出愛此日與月傾寫入妾懷疑此一掬水中
涵濟與淮淚落水中影見妾頭上釵

僧舍避暑分韻得入字

故人隔天風海水吹不立聊將塵渴心遠赴山
中汲晴香芝菌生暝翠霧露溼唯應雞犬深幽
林聽經入

林離盛人

中丞部香史蘭主御製
對人聞天風
立明神聖
以鼓其山

部舍發暑公贈野人字

南齊與武成
於木中深長
楚惠士燧

日所寫人楚
對出
一醉水中

山澤木音
谷日
首日
月日

身
益

晞髮集卷之四

宋粵謝 翺臯羽父著

明歛郝之瑀元瑜父校

五言近體

南鴈去來盡音書不可憑
應過蠻嶺瘴聞拊楚
臣膺滄海沈秦壁愁雲起
舜陵可堪夢魂在回
首舊孤稜

月離孤嶂雨尋夢下山川
野冢埋鸚鵡殘碑哭
杜鵑妓收中使客民買內
醫田到此聞鄰笛離

情重惘然

中秋憶山中人

茲夕發清嘯為君楚舞終西風五陵夢涼露九
霄中野邏煙常起溪流榜不通天陰無乳兔林
盡見飛鴻溼溼雲垂髮丸丸樹偃弓劔歌玄武
莫塵語白鷗空祇有淮南泪應沾青桂叢

僊華山招隱

黃帝女昇僊處山下有昭靈祠獻陵賜額

猶在

軒后悲蒼劔神娥下玉簫攀髯初失夢遺蛻尚
凌歊碧墮升棺影青分產柱苗山精依鹿竹天
雨溼雞翹有約成孤憤無人重久要參龍因姓
氏使鶴語軒輶冉冉將終老冥冥不可招無書
寄青雀有恨在中條

答煙蘿隱者

月落煙霧動遙知夜不眠紫苔生水底白髮坐
巖前野鶴下窺影山人疑問年微陰度小劫勞
贈遠遊篇

送人還蜀

白髮夢鄉國君歸路不迷狀槎秋見草荒棧夜
聞雞月過秦涼北星深河漢西何因到卻返吳
語話分携

憶梁禮部倚

閒庭芳桂叢相憶曙雲空文字能娛老莓苔此
興同青山明月下家口少微東歲晚西莊路柴
門語自工

拜玄英先生畫像

來此得公真塵埃避隱淪水生溪榜夕苔臥野
衣春雨冢侵吳甸荒祠侑漢人微嗟值哀世爲
爾獨傷神

哭正節徐先生

淒涼携子女冠佩赴重陰塌井千年事青天此
夜深哀辭山石刻卹典海舟沉里族南薰夢東
都直至今

送汪十

多年隱賣漿此去結山房掃菌侵花落種松如

草長老期秋欲至貧味水初嘗歲晚逢樵獵音
書定不忘

槿樹

白犬吠行人西風杵白新洗平澄宿水曝髮向
秋鄰野草依溝盡宮花入帽頻人家小門徑憐
爾獨相親

悼南上人

翻紅卷未終聞打寂時鍾盡說他身在唯應外
國逢錫聲歸後夜琴意滿諸峰憶昨安禪處湖

雲起白龍

元日讀老子望瀑作

空山無轍迹懸水下分洪醉醒聽猶在寒暄色
不同異書天姥祕靈物乳池空祗憶殘年雨先
流到海中

雨中觀海棠

風吹簾網動對爾惜芳菲蜀雨何人在吳宮祗
燕歸燭消春粉盡淚溼野香微抱蕊殘青子鳥
啣隨處飛

哭所知

總戎臨百粵花鳥瘴江村落日失滄海寒風上
薊門雨青餘化血林黑見歸魂欲哭山陽笛隣
人亦不存

二月十日

山居少四隣楮葉半爲薪野色生遙念空江滯
此身風濤春憶越親舊晚游秦獨擬尋雞犬雲
蘿挂葛巾

九日韶卿子善有約不至子靜亦歸桐

廬與景雲飲瀑下作

揉藍染釣緡欲老此江濱九日寒泉水他年白
髮身隣州曾約客別業未歸人嗅菊知吾事那
能更問津

呈王尚書應麟

寒風吹鬢影客淚溼衣塵千里見積水滿城無
故人船歌甌雪盡劔舞越花新獨憶絲綸老相
從話所親

山陰道中呈鄭正樸翁

楊柳遠天色野風來水涯異鄉同夢客今雨故人
家越樹夜啼鳥禹陵冬落花悠悠江海意爲
爾鬢先華

送毛耳翁之湘南

湘草碧於水王孫尚此留一身行萬里雙鬢集
諸愁月落嶽雲曙龍迹海雨秋可能無事業相
見竟悠悠

寒食姑蘇道中

頻年感烟草荒塚幾人耕吳楚逢寒食山村見
獨行天陰月不死江晚汐徐生到海征帆影悠
悠識此情

別子靜卻送之雪

獨往知吾事語離何所求故家無別業殘夢下
扁舟積葉吳宮冷唵猿顧渚秋那能不相待羈
旅負清遊

哭肯齋李先生

落日夢江海呼天野水涯百年唯此死孤劍託
全家血染楚花碧魂歸蜀日斜能令感恩者狼

聯集
卷四
籍惻荒遐

八詠樓

江山此愁絕寒角夢中吹飛鳥過帆影遊塵空
戟枝水交明月動槎泝故州移已薄齊梁士猶
吟沈約詩

至日憶山中客

山村雲物外至朔閏年愁獨客語茅屋樵人共
白頭驛花殘楚水烽火到交州欲隱裂裳帛春
來重結裘

懷峨眉家先生

露下溼百草病思生積愁窟泉春洗屐氈雪莫
過樓魂夢來巴峽衣冠老代州平生仗忠信心
自與身仇

哭廣信謝公

自爾迤名姓終喪哭水濱海僧疑見貌山鬼舊
爲隣客死留衣物囊空出告身他年越鄉值賣
卜有斯人

雨夜呈韶卿

相看隴水雲 一夕幾回分
預恐今宵雨 他年獨自聞
野花同楚越 江靄雜朝曛
不得鋤芝朮 逢樵却寄君

自爾心莫春 感興

天涯芳草夢 此意未應泯
獨對風煙老 虛為江海人
漁樵分落日 櫻笋過殘春
舉世無知己 他生應逐臣

秋日憶過秦國公主園

野影林檎盡 山昏瓦塔齊
涼宵風雨過 一鴈西

南啼嵐霧洗巾 悅井泉生
蒺藜傷心拂塵塵衣
淚溼空綈

送道士歸赤松

閒身可得仙 諸妄覺他年
夜氣浮秋井 陰花冷碧田
禮星逢鶴下 咒食待人眠
叩齒通懸解 祠堂山影邊

送僧之天台

石橋南北路 師到動經旬
尊者定中影 凡人回去身
戴經支錫重 作禮納巾頻
杯海歸何日長

眉問四隣

雪水

寒英漲碧沉浴鵲冷難禁太白消秦日中濡接
蜀陰頻湯清洗瘴入茗味如參人世淄澠口應
疑別未深

用韻醉友人憶寄

麻衣拂出塵外事不干貧野氣生寒井天陰壓
莫春閑身分楚鞫白髮作吳人已斲藤蕪徑青
鞋憶寄頻

鼓子花

塵溼西風淚溝西影見君碧衣羞遠日天夢冷
秋雲蔓引山精徑籬依楚女墳海邊逢賣藥采
實故應分

山寺送翁景芳歸觀

弱雲竹水湄葉影碧離離野別如秋夢他宵獨
爾思林殘西域果鍾動下方基可得朝還莫相
看長在茲

寄朱仁中

聞君經亂後居處畏山顛家在聚如客糧餘食
帶煙戍鴉分落日燒草共殘年因憶先丘壠于
今是極邊

遊釣臺

古臺臨釣渚遺像在蒼烟有客隨槎到無僧依
樹禪風塵侵祭器樵獵避兵船應有前朝蹟看
碑數漢年

西臺哭所思

殘年哭知己白日下荒臺淚落吳江水隨潮到

海迴故衣猶染碧后土不憐才未老山中客唯
應賦八哀

江上別友

相看仍慟哭欲學晉諸賢戍近風鳴柝江空雨
送船翔雲侵別色南雪憶歸年擬共鋤青木無
爲俗事牽

題翁徵君集後

樵獵識冠裳何言志四方離秦風日冷過楚薜
蘿長野夢違徵詔衰年枉薦章故山唐室晚應

種木爲糧
除夜聞雷
志四
六
韓秦風日
今
嚴
焚
牢落長爲客
殘年獨擁衾
燈分寒夜火
雨過震
餘陰搗藥滋
玄髮書符馱
黑衽相看故
鄉淚不敢效
吳音
元日枕流亭聽雨
征鐸殘年雨
唵聽憶到城
愁雲侵歎盡
夢日向
吳生藥產難
離性灘流不
掩聲他宵樺
燭飲因
想此中行

春日寄書代鄉人荅

滄江失釣緡
白社苦唵身
風雨他年別
干戈舊國貧
春祠占遠夢
臘市憶行人
故壘夫差地
遙知哭爲親

人日雪

連年逢此日
寂寞在山居
故國雲歸盡
高杉雪下初
陰霾占戶口
雷電失天書
可得俱無事
清唵始晏如

早春寄嶺海流人

短褐隨南賈衰年異壯遊龍旂虛左箇鴻影別
中州晚避高麗使春乘百濟舟王孫與芳草相
憶可能留

過孫君文舊避地處

相逢還自失相見盡天涯隣壤初移戍空山此
寄家剪茸春過鹿伐竹舊燒畬去後餘荒槿依
溝結構斜

春日遲子芳遊烏龍山

烏龍煙靄北君去爲親留綵舞初離席音書缺

寄郵雨登人日冢槎別客星洲應有他宵約相
從及此遊

奉和毛益亂後經太白墳

遙知風雨後明月溼江離幾處如寒食荒流空
莫思雨畊侵壞冢春網得沈碑若起論茲世先
生何所爲

憶過徐偃王祠下作

徐王遺蹟地花落舊巖阿山鬼下茅屋野雞啼
苧蘿別祠江路見疑冢草間多寒食思家客空

村記所過

山驛送春

逢春憶舊時愛著舊春衣
雨別如知處天涯應
共歸驛花留客盡帆日聚
鴉微歲歲子規鳥寄
巢於此飛

蜂

蛹黑春如翳寒厓舉族懸
撲香粘絮落采汗近
僧禪聚暗移花幄分喧割
蜜烟閑房無處著應
架井泉邊

雨中感懷

幽齋蒲稗裏夜色入柴荆
坐久雨聲絕水深荷
刺生聽猿思楚宿失鶴夢
南征白屋青山下何
年返舊畊

桐華

隨風泊釣楂弄日色侵霞
燒地不鋤草荒池舊
漚麻偶尋僧坐石見落鳥
銜花錫粥春寒後多
逢棟樹家

僧池青蛙

隱見多無定時開一道萍癭分荷背白身帶蘚
文青吐雹收寒井隨僧入淨餅柏壇祠后稷應
想作龍靈

夜宿江山寺

寺圖接異境僧影溼香煙落月安禪處翻經置
縣年天河當夏白泉水入杉懸到此懷甌越空
家寄海邊

雪榻瀑布

漱石清塵暑雲深畏解勢寒巖蕭寺下縣水薛

陰西鳥浴濕栖樹花流晴下溪謫龍聞咒起奇
服反初筭

虎石

寺深留片石山雨長苔新昔日栖禪處遺風想
至人錫前行虎獨鍾後到猿頻越客因逃暑於
茲喜掛巾

寺南小池

寺南疏小沼堤隱獺行踪杉影動寒水夕陽藏
半峰清涵落鳥毳寒怯病僧容聞說初開日鉢

手盃盛養龍

夏夜山房會宿賦得竹禽

入竹雲初翳餘更警露禽羈雌迷故侶涼意滿
西林雨宿移枝暗明翻下籜深微唵觸幽興離
思不能任

芭蕉雨

吳楚燈前侶芭蕉海上身涼宵知過雨病葉與
羈人白屋愁看曉滄洲宿語貧西南多苦竹應
與越禽憐

中秋龍井翫月

逢秋月再圓不與復休眠腦滿魚龍夜精藏樹
石年嗅衣腥在水窺戶影疑禪長嘯望參伐行
來精舍邊

夜坐呈韶卿

脩行吳楚間鶴去杳難攀衰世已如此愁身更
入山巢居避太歲藥飯救羸顏故友在江海相
思不得還

韶卿往烏鎮寄劉元益

他日憶逢君林中訪惠勤鹿麕行處見流水別
時聞草沒秦人冢山通越國雲音書年歲失莫
訝白鷗群

寄贈王僉判龍澤新之官廣陵

多君孝子里雲物尚依然歲晏木葉下月明湖
水邊看圖須女分對策亮陰年到此若爲別猶
言贈馬鞭

十日菊寄所思

籬菊是秋隣青蕤幾日新忽逢初過節相憶早

衰人囊枕離湘溼分杯度嶺貧想應無事業遙
念更沾巾

野霞觀瀑

他年疏上浮早日此中投汲飲當魚入垂綸卽
虬遊淨祠無血食喫雨不腥流僧語皆前事人
來盡別州草諳長過雪沙犯欲捐湫至竟何依
止蒼茫難禱求

已丑除夜

鬢絲殘雪影况復在塵埃暮色隨鍾盡年光逐

水來隣逋燈下索鄉夢成邊回明日聽春雨渡
江登越臺

元旦立春

椒柏多年樹閑庭憶粵鄉發春當獻歲爲客未
休糧飲後憐衰齒行南避忌方星周元朔曆時
運可能忘

寒食同方行父明中往淶渚舟中作寄

東安方子仁

自食嶼雲薇聞君白接籬謁靈隨社到爲客寄

音遲瓢入新城水舟回故渚祠南衣離火浣垢
敝禁烟時

萬松道中望南太白

笋輿行萬山中有十里亭老樹祗一色野公逾
百齡柴關當太白藥氣近樵青罔草粘枯翼巢
枝落退翎期探幽谷水共斲松根苓艾納下天
雨塵風吹冥冥

雨宿太白

有阜陵書太白
名山賜僧了朴

城中家斧冰此地絕炎蒸天食青童捧龍居白

曉髮集 卷四 十一
氣升暗燈猶宿火寢服尚裏繒客話從前事書
傳入內僧風流今獨盡雲物老相仍淨榻搜涼
臥危闌入醉凭雨師行下界鳥夢識中乘明發
甬南去他山逢智弘

寄育王賢上人

于今祗老身從昔少埃塵失蜀年爲客居山石
作隣南遊宗竺法西語問巴人開戶藤花落多
浮茗枕春

海亭夜坐

孤身滯海垠暑溽上南雲歸日喜秋近愁人畏
夜分坐涼依井氣眠溼動星文故友在山北音
書不得聞

採藥候潮山宿山頂精藍夜中望海

蛟門南去鳥此地望迢迢積溼侵幡黑生寒入
夢飄見燈歸舶夜聞偈解衣朝土植皆爲藥山
枝不滿樵暗光珠母徙秋影石花消擬候槎回
漢寧甘客老遼卻尋徐福島因問秦皇橋於彼
看日出羽旌焉可招

夜宿雪竇上方

雪竇師剡人住邊支遁林買山隱處

眠山枕斧柯獨客愛盤阿畏日生塵夢尋仙到
鳥窠下方聞夕磬南斗挂秋河寢服侵雲卷頰
泉通瀑和竇分滄海月禪入沃洲歌此地精靈
聚中宵弄薜蘿

魯國圖詩并序

翺嘗乘舟至鄞望海上島無數其民多卉
服過蛟門登候潮山被髮楚歌歌罷輟復
哭思夫子浮海居夷之義至定海學故石

刻盡仆泥淖中新刻復闌茸讀卽快快乃
汲水洗故刻得紹興間邑令趙所傳魯圖
自云齊梁父諸山川至洙泗間巷里廟社
井墓歷歷如指諸掌遂摹其本歸過浦汭
方君景山與栝人吳思齊率其徒爲講經
社得思陵所贊夫子像揭于庭朔望拜進
退興俯殊習乞翺所摹圖與像對翺喜而
歸之且書其後爲之詩曰

秋風嶽下城海客見圖新樹入舞雩里水來浮

磬濱東封餘輦路西狩問虞人被髮逢夫子狂歌作放民

董孝子墓

脩脩古孝子家移來水旁母病食此水母死葬其鄉殺人自白吏就家起爲郎至今廟下草猶帶食水香

晞髮集卷之五

宋粵謝 翱臯羽父著

明歛程鳴瑞無聲父校

遊僊華巖麓記

由月泉至僊華巖麓十五里至巖二十里蓋余向所記若芝掌擎空而立者故老相傳以爲下有穴與鼎湖通嘗秋夜聞水樂及擊石聲月高風遠復不知墮在何處將至二二里有山類藥壺倚巖側雲嵐草木相掩映日東影射其上遠

望氤氳若丹光浮動疑是中別有一天地也巖
之麓曰鄭村者友人方君韶卿廬焉地馨芳草
蘭梅辛夷山礬俗呼山礬鄧花鄧與鄭音相近
故以名村環左右無他族皆依巖作屋互向背
巖爲黃帝少女脩真之地垂四千年始民築祠
其上以雨暘禱輒應有欲移祠於麓以便民禱
者一夕風雨大作飄盂爐幡幢所欲移處瓦木
石隨晦冥雲霧飛空下跼跼有聲今祠有茂陵
旌額信不誣也祠之南二百步皆古木雜藤棲

煙霏霞鶯風颯至皆五色紛散獨被髮如人立
又有藤結子若蓮房纍纍而下益蒼碧可愛行
且倦憇古道觀中夢青衣掖一老人至與余言
海上方及導引事甚悉且曰穹壤間無愚曹仙
人凡知古今不爲所縛翛然塵外者皆得仙子
欲以人世仙乎後二年日浴見我扶桑東言訖
乃寤有鳥自西南來綠衣紅距止藤上迴翔審
顧若欲有言于臆者方君謂余子其訊焉以記
觀之老道士年九十余言嘗於海上見之今四

百甲子矣蓋公鳳云是爲記

自巖麓尋泉至三石洞記

至巖麓止十日散髮空翠行且唵顧謂方君得
流泉瀉瀉漱石齒吾二人以耳枕之以洗吾悲
何如方君指田間流泉故道皆達麓而來謂其
源自藥壺山出山之愚民辟田其背盡激之過
頽以故枯爲陸者不知其幾年無有能復之者
乃與余行二百步至激泉處由激泉而西百五
十步皆曲溝斷石民橋其上有草類菖蒲而小

無脊一寸皆九節蓋楚南謂之蓀又沿溝行九
十步亂山如蹲厓傾石立洼者凸者跂者伏者
仆且僵者散而布者如羝之乳如鹿之奔如鼠
之飛如鳥鵲之俯啄如兔之自吐其子猿猴之
垂藤而飲于水也如雞犬之馳于鼎而仙也其
變恠峭特余無以詰之山之僧作亭道上泉出
于藥壺者赴焉同遊括吳子善韶卿之弟君實
子肖育皆掬泉于泓漱且憇有泉鳴林薄間斷
續相應類金奏闕而石聲間作又有縹緲益近

明皇集 卷五 三
若浮雲飛絮游空而下殆不可窮其狀聞唐有
僧名而仙行者貞觀間自南麓來結廬于此寂
然自言千七十歲有奇蓋出於周末也廬爲寺
又五百年因往觀焉其碑記僧所說鉛汞事乃
效晚唐人詩獨不作秦漢以前語亦不可曉遂
由寺之西捫蘿而上得石洞巉爽嶺可坐數十
人視巖前樵牧路如線往來負且牽皆交臂不
相忤又東行抵相對巨巖趾得二洞其一溫然
如春可久坐自外望之若無有者其一空迴寥

廓聞人語如投珠於壺滴泉垂草雜飛蟠續之
蒼苔欲動石平潤可抵處十數各倚梯拂蘚題
詩其上逮暮猶沾沾忘歸窮泉源直抵藥壺頂
望兩山墻立石飛聳欲墮可為亭者一處礪中
立石可為橋接西岩者一處洞傍可為屋若園
各一處蓋居於此者日遊而不知予與二方吳
君得之若行外國遇異人出奇玩相飲晏皆世
所未有故書以遺後之好遊者俾有考且屬韶
卿居焉

月泉遊記

余少慕初平叱石事知婺有金華洞瀑泉之勝而未知有月泉也月泉在浦江縣西北二里故老云其消長視泉之虧盈由朔至盈投梯其間泉浸浸浮梯而上動盪芹藻若江湖之浮舟擁泊於岸視舊痕不減毫髮由望至晦置竹井旁以常所落淺深為候隨月之大小畫痕竹上當其日之數旦而測之水之落痕與石約如竹之畫視甃間滯萍蘚枯青相半殆類水退人家日

蒸氣溼墻壁故在而浮槎游拚棲泊樹石隱隱可記余與友人陳君某至適望後二日陳君指萍于草以為斯泉虧落之驗蓋冲漠朕兆間盈虛消長之理與山川呼吸往來之氣相值而不爽也如此非必有神物主之如雜書恠錄所謂巨魚吞吐云也泉傍舊為堂祠朱呂二先生環闌楯甃上環詩亭上四顧煙雲竹樹復環泉若亭不敢左其東北之山曰仙巖者遠望類芝草浮空而立若皆有所待於斯泉而向焉者予方

謀日遊其間與月約盈虧泉約消長與山約無
盈虧消長亘來今以老吾詩有述仙巖之遺迹
約余遊巖之麓者將歛鹿鳴之引以擬笙鶴曰
子欲窮山中之勝而憚以足赴目乎余欣然從
之故書泉之本末以紀茲遊之始

靈泉錄 粵某山蜂分日記

甌粵之南有某山焉跨羅浮挹九疑穴其竇而
下空洞橫亘數千里與勾漏通山之陽其民至
老死不知歲曆唯以甲子紀日由穴之陰而南

雖甲子亦不書山衆天小鑿石竅繩鐵其上屋
纍纍而下者若冢高者若浮圖戶養蜂分地蔕
花編竹若護蔬菓擘杉桐卷之或取雜木剝其
中爲蜂房纔百之一每數日蜂輒無分者置不
問聽其所止而休焉率以蜂之多寡爲家之厚
薄四時旦暮悉候於蜂故曆與甲子可無也蓋
衙而知早晚出入而知寒暑四時之花卉不同
而蜜亦異味是其候也至於有事而涓吉亦於
蜂候焉濱是山之郡其人皆能言之蜂之分也

其日必吉人家無大小貿易偶及蜂分則趣成
之事未及辦則以待後之分日至於婚嫁已納
采而未逾興作已畢工而未落成皆候焉或父
子兄弟分業而居則候其日時而併用之隣里
親戚置酒羸老相與賀數向之獲是而吉者例
指以爲盛事蜂移之家若僕若隣無遠近遞相
報俾皆知是日之吉不敢隱有販者至其地留
一年書蜂分之日凡百有奇歸而詰曆驗之皆
黃道紫微天月德活曜其星也其不分者非凶

星則常日也余聞之始而疑中而信久而驚以
愧不知茲蜂之爲何物也且其王生而有鬚則
爲異舉族附之不敢後則爲忠遭物害而去有
相失者不冝附他族必彷徨噬嚙自相枕藉以
死則爲貞出則紛然先後奔走之不暇則爲勤
歸則翕然集若赴期會而聽號令則爲整食蜜
之餘以遺取者不怨則爲廉爲房以自居則爲
智有蠶以自衛則爲勇脩是數德而又能知天
時以協人事則夫貪賄無謀亂行離次棄君事

明集
卷五
七
讐反覆變詐以取富貴利祿者身爲蠱尾而不
邱雖其形則人也使其居深山中與不知甲子
之民將必顛倒五行以爲民害寧不爲茲物之
愧哉

山陰王氏鏡湖漁舍記

越城東南多隱者居唐迄今五百載賀監宅與
玄真子嘗往來處往往遺迹猶在高標清氣彷彿
煙靄中茲爲可尚也王氏別業在城南益盡
得其勝近又於其旁蒔竹萬箇加以幽花貞石

離立參峙引水循亭爲九曲前置屋如列舟面
鏡湖扁之曰漁舍嘗意坐及與客對禹山雲氣
冉冉墮几席稍東二百步累土爲坡室方丈曰
小瀛洲水環其外北望州治山蜿蜒澗鮮翔伏
迤演益昔人以比蓬萊實與秦望天柱相賓主
而是州適中焉則茲名不爲過負城田可數十
頃春夏之交水彌望洲小益浮艤榜其側含嵐
浴暉頃刻殊狀不知天壤之有瀛海也余嘗一
再造竹下良久主人晉衣冠迎客子弟儼侍立

語久益親俾余爲文識其位置次第故他不遑及或謂余公家世蓬萊下方權貴人趣治第勢熏灼殊甚草木動相德色獨喫喫不肖歆艷附麗及茲益守前之爲益有昔名人隱者之所難可書也已爲記

樂閒山房記

甲午秋

余與吳君仲忝同年生而動息勞佚與凡所爲事相值無同者余喜泉石物外交游耳聞足歷畏不卽居之意少不愜輒復去宜佚而得勞居

里黨人情高下勢緩急張弛事後當成取慮周於物而能自愛其所居爲屋日以爽塏靚深以休息其中宜勞而得佚近闢山爲重屋以眺遠又屋其後爲楹十有八其位置區畫類隱者所爲括人吳善父名之曰樂閒山房夫天地間雲嵐木石崇丘絕壑足以發奇潛老多人蹟所不到故畸人靜者得與世相忘而自樂其樂恒專已而不讓至既食離累垢衣蓬首獨甘心焉今君之爲此不離乎家人父子之間匆灑盥櫛之

常溫清定省之後飲食滋味之養而幽閒之適
唵眺之美一踰足越限而兼有之可謂樂矣今
君年益老見益定雖不絕物不害爲閒且樂心
有外馳雖閉戶坐不與人世接樂亦未至益君
已知之欲推其究而言解所以名者以余爲文
能識古字屬爲之記甲午九月八日

小爐峰三瀑記

睦上瘠民之巖耕者發土石趾如刃游冑縻如
肋棄而復食故凡樹石奇玩之鄰於耕者殆無

完景間有得全其天不毀以休息於此土皆民
之所棄也其勝處的自然見於圖經者又爲塵襟
俗駕旦至而睨之毀畫贅疣以醜其外樸斲竅
鑿以死其內與茲土爲仇又有甚於民之所墾
者余至新亭之紫溪得爐峰紫煙浮動旁無雜
植冑肋之地以爲之累而又見遺於圖經不爲
人所知故得巋然以存水南出經其趾雜苔藻
不染他色友人翁君世居其下因約余賦詩聞
有龍門瀑布者相去復不遠由溪之別澗行三

五百步水皆西流余謂水於天地間西行極少所產必珍禽惟石與有道者居焉故三萬里遡風而西卽其大者遂相與躡足蒼苔水石間有巖穹窿如門落深瀑數十丈下爲潭浴石蒼碧類白虹飲于井而蛟龍搏之者旣剝泉曠且卻毛髮起豎由穹窿捫蘿而上望雙流繞麓石益深翠日且晚各賦詩岸幘乘月而歸約九日尋源至其頂如期携酒挿菊遡雙流益東古藤青壁殆非人境泂溝溪二百餘步地稍峻泥如沙

欲流者數處仆且起亂石雲浮煙嵐薄林木片片欲斷足相趾而進不敢視稍間斷前足已遠後者望前者如乘雲空中遺影在地進至峽得一瀑自巖下爲三級流乳成池四顧巖壁木根翠色欲滴衆客青篔白恰浮盃乳上舉酒酬水遺骸核其中樵童牧豎觀以爲異復攀亂雲上稍南一石嶽嵌飛動瀑蜿蜒如舞白虹而下涎味轉棹余無以名其狀復緣厓至頂望乳池上復二級流乳叢薄中草木皆芝朮香盃峽中所

望而未見者明日復由前峽登前壁望上級垂蘿裹溼蘚下與瀑屬歸而定其處爲三瀑識其可爲亭者四曰放鶴在瀑頂曰穹石在下瀑布石旁曰可嚙在上乳池之下曰弄月居亂雲之上可爲橋者二跨中瀑曰玉峽居兩瀑合流曰雙拱爲圖遺同游者謀之不欲竅鑿樸斷贅疣焉以累茲山始榜蕙葺葑以備藏脩種梅爲本瀑旁爲泥丸散桃巖上下春秋臨流濯髮夏乘風長嘯頂上冬看水柱如是以老吾年足矣橋與亭以某月經始先紀其事與同游各賦六詩書于后後二年亭成而刻之石

遊赤松觀羊石記

金華洞爲初平叱石處余髻而聞之髮種乃一至而叱石處復不在金華洞未至洞十五里有山曰赤松今爲寶積觀觀傍祠二僊卽皇氏兄弟是其處也石故在山之顏變恠牴牾宛然如羊多爲樵牧及好事者取去道士拾其餘蓄觀中餘得借而觀之者三處其一天井東僅十數

角嶄然群伏且起狀無牴觸意苔蒙茸若草藉地可近而玩其一竝曲池之北岸累石爲山參布伍列犬牙其上臥者十八九伏者十七抵者蹶者十五履險而跛者十三倚而齧跪而乳者十一若觀古鼎彝窳之蹟于石形不求完而意自足其一積小坻位置加密跂伏齧乳抵蹶與前變態略有拱而人立者奇崛特甚道士易以他名使不與群羊伍余曰是不可易左元放之遇曹瞞其化而爲羊與茲羊之化爲石是或一物也今而後觀茲石若馮而游若蛻而休茫乎日與對而泊不知所求其有不復化爲是物乎道士顧笑衆皆岑寂起立若植以余言爲然故書以啓後之游者其所觀三處道士倪某唐某王某云石初平仙後若干年爲樵牧好事所取及移來此又若干年道士悉能言之於游者非有所繫故不書

金華洞人物古蹟記

金華洞去縣三十里洞有三道赤松東西鹿田

上而下遠望若建瓴水及至復平夷無他險道
北山由上下氣喘喘不暇息然亦不覺勞苦下
洞之右爲椒亭亭上望洞口若鐵甕石正青黑
洞內外分爲兩由鐵甕入可坐數百人有穴如
墓願水出自願入地中下山復不知何處由願
入臥小舟僮僕篝火傳舟進至岸寥泐空廓行
颿颿有聲由右轉左復從願出洞外洞外二百
步至中洞口自洞口東炬回旋入地底一出出
良久有二里至上洞上洞分左右爲兩變恠開

闔爲體各不同而天地山海人物之類最多歸
而以其類識之總六十有四併十二而五得五
十七爲僊人藏身處一石黃色亘地在外洞右
爲道人比肩而立各一在外洞上頂旁爲大士
垂珠纓絡箕踞而坐者一在石之右凡爲人之
類四而形影小大有不犯焉爲碧桃枝實纍纍
垂下者一處在於外洞頂右爲石筍拔地而玉
立者一斜上蒼紫而迸於地者一在洞中水簾
後凡爲植物之類三而苞萌蕢實有不犯焉爲

蒼龍首尾相應者一在外洞左右對爲龍頭角
鬣尾及爪痕如玉者各一在內洞右爲蒼白兩
龍鱗鬣欲夾石梁飛度者一在上洞左角爲右
黑龍而白蛇自背繞其脇者一爲蟾蜍三足一
在石門限北爲遊魚布影於石者一在外洞頂
西北爲蝦蟆匝地者一在墓頤蓄水旁爲石峯
窠房牖如綴者一在蝦蟆石上頂爲石獅子而
石虎而虎者各一在雪山前爲大小象脚大二
小一在內右轉左凡爲山海奇恠之物總十有

四離而爲二十有一而鱗介羽毛飛走有不犯
焉前後雪山一在上洞爲雲霞五色二在霜石
上稍西及上洞右爲仙人望月者一在蟆頤受
日處正圓如三五夜爲日影射石壁類月光在
地者一處在上洞石之左爲北斗七星窠一在
外洞外之左凡爲在天垂象之類九不犯二三
焉爲天涯海角各一在下洞內右滑臺一在內
之左爲石紋細湧如水波浪痕者二在下右上
左爲仙人種玉田者一在下左丘畝步角可數

爲天地一在上洞天扉下石井一在上右角下
皆深黑莫測所窮凡爲在地之類八不犯一二
焉爲石門限溜室窓櫺各一在石限內爲石柱
一在大小象脚外石室一在水簾石筍後水落
沙石盛之輒滲下不溢簾後東炬可立先出者
視互出入者與東炬立簾後者若神人然爲石
梁一在天池左可數十丈爲天扉中折日光射
其內者一從洞背尋折處復不可見凡爲棟宇
之類七而求其犯者無一焉爲石鐘鼓自洞頂

懸而虛其下而聲各如其所名者一在僊笠東
爲僊笠一在鼓西爲筆格而山立者一爲硯滴
石穿溜若引蟻鑽珠而洞頂滴泉正當其處一
與筆格自爲左右爲懸鐘寶蓋顛雲氣結而天
花雨者一在鐘鼓南爲天人掛衣痕蹙蹙如新
者一在石牀右石牀一在衣左爲小掛衣一在
外洞黃石上側爲水簾飛空而下類珠碧綴成
者一在中洞旋石中爲小懸鐘二在中洞及上
左凡爲器玩之物十有二而求其犯者無一焉

余嘗喜獨行山水間遇古蹟奇玩見於外有過此無不及者至內觀若神犀寶鼎燭影圖物夔龍罔兩天地山海之藏皆莫得逃其狀此爲尤絕友人方君鳳旣集爲行紀志所變惟先後有差余嘗欲與善畫者日夜相對盤礴其下寫爲圖分合數面求書尾於山林畸人靜者傳之後數百年以爲希世之寶而力有未能輒叙其槩而爲之記凡以昔之得游而觀者數千百年旣不可知其人而往矣後之欲圖而觀者數千百

年豈無有與我同志者其於此庶乎其有考也歲屠維赤奮若月孟陬粵人謝翺記

鹿田聽雨記

鄉余見南嶽僧言嶽頂望日出海看雲生樹石與巖屋聽風雨變異人世嘗疑其言之過比遊金華之北山宿東西鹿田夜聞風雨聲滄鬱滃隘隘琤琮澎湃淅淅浮浮冷冷粼粼或散或哀或赴或休或激或射或凌或瀝或沉或滯或益而溢其過虛若乘其擊實若盈其舉朽若勝而振

于葉也若憑其赴于壑也若崩其回旋于空而薄乎軒窗也若濤風擊舟而擁于敗簷是不可行而詰其名也蓋其地近洞天山川鬼神虎豹蛟龍蟲蛇罔象煙雲水石之所聚故聲鬱而不散其石虛窵窵坳圻圈洼白哈崢口鼻之所出故其聲泊以深其林木藿霏枯新堅脆榮實癭液之所生故其聲泛以嗇其勢之來也殊方其席而怒也殊力其散而游於物也殊值故能若無若有萬變而不窮而畸人孤子抱膝擁衾感極生悲而繼之以泣故其聽也獨真於是信鄉之所聞於僧者不謬然僧之聽乎此與人世異而吾之聽此復與僧異知吾與人世與僧之所以爲異則茲遊也將必有與吾不異而深知此聲者乎是爲記

遊石洞聯句夜坐記

藥壺山其初總謂之仙巖余取其狀類藥壺且奇崛特甚故別名之三石洞之游直抵其頂拊摩苔蘚擷靈草若芝朮而莫辨者歸於洞掬乳

泉嚼嚙之山之僧曰師遠者嘗遊方之外喜夜坐見予抵掌荒落蜉蝣蟬蛻以爲異邀宿寺中設燎露坐望藥壺諸巖連洞如井河漢衆星掛其上小者欲飛大者欲滴環視北斗無見者以問遠遠云諸巖藥壺直西北最高北斗墮其脇故經年未嘗一見獨蘿陰缺處見南斗歷歷衆皆瞻仰嘆異遂以足歷目覩日夜所得沾沾自喜若恐失者與子善韶卿君實默識以一人糾之由甲而乙各受其意以爲句有次第語不逮

意責在衆意舛而語自工以責糾者是夜將分有影射西巖初如珠光走盤浸大如席須臾光遍樹石閃閃飛動視東巖月復未吐益信仙宮深處所見日月光影往往與人間不同無足怪也復續聯句思益苦遠見爲能爲相與不自知對坐兀兀達旦益先夜與子善宿韶卿家因讀韓孟聯句舉此爲例每得一聯書于紙有未合衆爭句糾爭意始各執其是不相下執愈甚爭愈力卒至於當而後已旣成以爲善故是夜復

如之先得韵四十四後三十八與題洞諸律絕句皆楷書爲卷復相與正其重復踈漏者竄若干若干是爲記

睦州詩派序

唐代言詩在江東者戴發運叔倫許刺史渾潤人丘員外丹丘庶子爲顧著作况陸處士龜蒙姑蘇人孟先生郊嚴處士憚釋子皎然吳興人駱少府賓王張處士志和僧貫休金華人賀賓客知章四明人嚴長史維秦徵君系吳舍人融

僧澈越人張處士祐金陵人吳韶州武陵廣信人羅給事隱新城人項少府斯天台人薛補闕令之歐陽生詹閩人其他雖遺逸不可槩舉率郡不過一二人多者三四人惟新定自元和至咸通間以詩名凡十人視他郡爲最施處士肩吾方先生于李建州頻喻校書鳧世竝有集翁徵君洮有集藏于家章協律八元徐處士凝周生朴喻生坦之竝有詩見唐間氣及文苑諸書皇甫推官以文章受業韓門翱客睦與學爲詩

者推唐人以至魏漢或解或否無以荅友人翁
衡取十先生編爲集名曰睦州詩派以示翱翔
日子睦人也請歸而求之毋貽皇甫氏所云舍
近而尋遠則詩或在是矣癸巳夏五書雙硤精
舍

登西臺慟哭記

始故人唐宰相魯公開府南服余以布衣從戎
明年別公章水湄後明年公以事過張睢陽及
顏杲卿所嘗往來處悲歌慷慨卒不負其言而

從之遊今其詩具在可考也余恨死無以藉手
見公而獨記別時語每一動念卽於夢中尋之
或山水池榭雲嵐草木與所別之處及其時適
相類則徘徊顧盼悲不敢泣又後三年過姑蘇
姑蘇公初開府舊治也望夫差之臺而始哭公
焉又後四年而哭之於越臺又後五年及今而
哭於子陵之臺先是一日與友人甲乙若丙約
越宿而集午雨未止買榜江渚登岸謁子陵祠
憇祠旁僧舍毀垣枯甃如入墟墓還與榜人治

祭具須臾雨止登西臺設主於荒亭隅再拜跪
伏祝畢號而慟者三復再拜起又念余弱冠時
往來必謁拜祠下其始至也侍先君焉今余且
老江山人物睠焉若失復東望泣拜不已有雲
從南來滄澗渟鬱氣薄林木若相助以悲者乃
以竹如意擊石作楚歌招之曰魂朝往兮何極
暮來歸兮關水黑化爲朱鳥兮有味焉食歌闋
竹石俱碎於是相向感喟復登東臺撫蒼石還
憇手榜中榜人始驚余哭云適有邏舟之過也

盍移諸遂移榜中流舉酒相屬各爲詩以寄所
思薄暮雪作風凜不可留登岸宿乙家夜復賦
詩懷古明日益風雪別甲于江余與丙獨歸行
三十里又越宿乃至其後甲以書及別詩來言
是日風帆怒駛逾久而後濟旣濟疑有神陰相
以著茲遊之偉余曰嗚呼阮步兵死空山無哭
聲且千年矣若神之助固不可知然茲遊亦良
偉其爲文詞因以達意亦誠可悲已余嘗欲倣
太史公著季漢月表如秦楚之際今人不有知

余心後之人必有知余者於此宜得書故紀之
以附季漢事後時先君登臺後二十六年也先
君諱某字某登臺之歲在乙丑云

晞髮集終



晞髮外集

明欵 張時昇伯升父輯

張時春嘉生父校

刻晞髮集紀

余不敏厭從俠遊喜閉戶讀書偶向堯山堂紀
見宋謝公臯羽傳撫其高節心甚慕之訪求所
著述未獲焉壬子春余母偶痺左肢醫皆不奏
社友郝公琰事僊甚著從而禱得謝公膏二色
同黃金香逾蘭蕙敷未旬日即能轉舒矣乃具

疏荅貺公降筆云藏身不與世人知雲壑煙林
隱恰宜竹石化來魂不返山川千古有餘悲題
蟠桃九熟圖神仙謠爲余母壽又賦酒歌味物
竝贈詩儷語若干余復爲母請藥得丹于茶烹
之作桂花香所叩輒響應論古今儒佛書無不
究其精奧發言多慷慨如生平因述曰不穀生
前嗜好讀書亦稱博古可竝張華所著書百卷
一爲世淹滅獨晞髮集猶存恨不廣傳耳余驚
愕屬友人遍訪之會郝仲隆先生得之潘元考

家蠹且過半矣嘻噓昔李長吉發夢于杜牧之
集始克傳存者僅十一近則徐文長集亦賴袁
中郎表之殘帙中二公之迤邐已可悲矣予于
公尤多慨焉公性純孝生宋季嘗從文信公畫
策後信公及難乃放跡山水間以晞髮自命每
登山輒慟哭林木爲震意未嘗須臾忘宋鼎如
天之不祚宋何晚乃集遺民遨遊江海懷歌寄
情作蜂分日文以刺時事名其會所曰汐社汐
者晚而信也臨終命題其墓曰宋謝某墓其志

行如此文稿所存者三十餘卷弘治中儲君囑
蒐得一帙流通焉今且若干歲板塵矣罕得見
其集自非天啓安能復昭人世哉卽偕友人編
校併輯新詩付剞劂嗚呼公之文章詩賦乃天
地靈祕豈能盡洩至若忠孝昭乾坤節烈光日
月何容湮滅無傳故此集之所以不朽者蓋天
啓之也觀者鑑公之節槩而後寓目焉可矣萬
曆壬子仲春花朝日桃花源人張時昇伯升父
撰

題蟠桃九熟圖爲張母壽

花放三千歲仙家日月長果肥含雨熟色麗倩
霞粧採任西王母偷妨執戟郎綵衣純孝者圖
去祝高堂

棠棣

春色烟光遍上林芳菲闔冶綠蕪沉一枝棠棣
花初放帶咲怡怡寄意深

杏花

杏子花開春正賒林光千里錦如霞長堤玉勒

明皇外集 卷之三
馳驄馬柳綠槐青帶映斜

玉蘭

素影冰姿獨出群不從蘭麝借清芬祇愁明月
來相照消作流波與白雲

蘭花

寧逐佳人佩繡裙但隨高士傍山居漫云濁世
同心語臭比幽香恐不如

震岳歌贈程無聲

雲中屹立爲柱石皺烟挺翠多奇特穿巖走谷

泉亂飛崖靈洞祕神仙跡古今人代幾變遷此
岳不摧爲桑田君有勲名合勒此能垂姓字傳
千年

過連璧館贈張伯升

斐几明窓一卷書避喧習靜世情疎才工詩律
心逾細業建茶勲癖未除竹石已諳收作供蕨
薇况解刈爲蔬牙籤萬軸誇南面好種香芸辟

蠹魚

送郝元瑜入山讀書

春深鳥啼曙日出林花明選勝入青山策杖攀
雲行三年期伏雌所志在一鳴流泉傍枕喧烟
霞環作城雪捲松風濤谷荅天籟聲人境日以
遠翻隨鹿豕盟三冬萬卷書耽幽饒野情不作
五岳游驅馳喙向平一壑復一丘豹隱成令名

贈張玄超

山下閒雲雲下村雞鳴犬吠桃花源居人不是
逃秦者放逸林泉道自尊
松烟筠管薛濤箋摩帖臨池嗣米顛山茗一杯

香一縷竹窓斐几興幽然

荀香陸茗右軍書尋勝探幽世法踈看月聽泉
臨絕壁却嫌山色礙空虛

石上煙嵐水上花身臨丘壑遂爲家朱顏不乞
丹砂駐柳塢莎堦樂事賒

送程無聲就試南都

春漲桃花水君攀桂萼行搏風移瀚海燒尾赴
雲程天地鍾靈秀文章借姓名登臺誇市駿得
意石頭城

送張士達遊黃山

黃山三十六點雲中祕幽奇世人未見猶未聞
涵池乍開始自大唐國易黥爲黃而附軒轅鍊
丹盟仙群天都蓮花突兀直入青霄上諸峯吐
煙噴雪如波之蕩漾平天砭是蛟龍飛舞變幻
而莫測下有海深萬丈空洞氤氳雲吼浪更有
仙登諸洞九龍諸潭仙橋月塔諸勝跡君今策
杖臘屐陟險一一當遍歷須令向禽宗炳之輩
嘆羨而莫及

送郝子荆遊石耳山

桐帽棕鞵野客裝尋幽探勝興偏長不須結伴
隨禽向况復名山在故鄉
攄險搜奇屐不停雲濤石籟儘堪聽支藤百丈
懸崖上惟見天都一點青
錦心繡口骨多奇自信烟雲去住宜寄語山靈
應會意磨崖欲乞爾題詩
頻向雲林寄勝情半生泉石結深盟軒轅六六
峯遊遍好較茲山一品評

張生起潛學道精進且有濟勝之想詩
以贈之

身世寄虛空逃名水石中莊嚴師孔子捧喝嗣
龐公逐影知良馬忘言咲蠹蟲開山謝康樂君
亦解相同

贈張爾極

阮嘯稽琴子晉笙風流一事足成名看君已是
穿揚手一矢遼陽下百城

張嘉生尚友愛山有晉人風度季春廿

二日降生館走筆書此爲贈

烟凝雲暗山欲走松蟠石透泉聲吼花繁草密
百尺天此中貯得同心友長吟短咏恣顛狂醉
石酣花數命觴竹林放達蘭亭勝風流爾亦能
相當石耳峯天都頂尋幽結伴逃塵囂深入舟
丘頻引領醉鄉兼領白雲鄉不學沉湘誇獨醒
送郝仲巖之廣陵

柳綠鳥啼春花酣練水濱纔停探勝屐又作遠
游人潮落濤翻雪樓迷月湧津金焦山在望莫

憚往來頻

送郝公琰入楚

詞人情性道人裝布衲蕉團錦繡囊衡嶽雲嵐

參上雪與君詩句恰相當

到處名山乞品題仙源深入不會迷洞庭七澤

三湘水大地幽奇趣杖藜

酒歌

杜康白墮造化手能令米汁爲旨酒蘭生玉液

名任呼諸賢隱跡狂能守劉伶以此成今名釀

王醉侯功不朽畢公竊飲亦韻事陶家中漉皆

良友顏一瓢李一斗不妨浮拍相爲偶天星地

泉况借爾有長鯨一吸發顛吼玉山已頽樂黃

者

謝君臯羽行狀

君諱翽字臯羽姓謝氏福之長溪人後徙建之

浦城曾祖景暉祖嘉至其父鑰以春秋學爲婦

翁繆正字烈所器重嘗著春秋衍義十卷左氏

辯證六卷藏於家君世業幾冠已行聲試有司

不第落魄泉漳間會丞相信公間府杖策詣公
署諮事參軍其畧見西臺慟哭記後避地浙水
東留永嘉括蒼四年往來鄞越復五年戊子夏
至婺遂西至睦及杭慕屈原懷郢都讀離騷二
十五託興遠遊以晞髮自命爲詩厭近代一意
遡盛唐而上文規柳及韓嘗欲做太史法著季
漢月表采獨行全節事爲之傳大率不務爲一
世人所好而獨求故老與同志以證其所得會
友之所名汝社期晚而信益取諸潮汐嘗爲許

劍錄嘅時降交靡耆舊凋落盡吳越殆無掛劍
者思集同好姓字年爵居里擇地昔賢所嘗遊
作亭立石它日示宿草不怠意其遊蹟非勝絕
處不到如桐山鼎湖蛟門候濤沃洲天姥野霞
碧雞四明金華洞天探幽發奇所至卽以遊錄
述所賦詠多昔賢文字所未及持以與人若載
異寶歸者遊倦輒憇婺睦之江源月泉仙華巖
小爐峯三瀑布復愛子陵臺下白雲原唐玄英
處士舊隱有終焉之志且欲爲文冢瘞所爲槁

臺南甲午寓杭遣人劉氏女以女至是買屋西山日與能文詞者往還乙未復來婺睦尋汐社舊盟夏由睦之杭肺疾作以秋八月壬子終蓋於是距生年已酉四十有七矣垂歿時語妻劉吾去鄉遠交遊惟婺睦間方某翁某數人最親死必以赴慎收吾文及遺骨候其至以授之辛酉訃聞婺方鳳婺吳思齊睦馮桂芳翁登及弟衡會小爐峯相嚮哭明日方與幼學方燾先往臺南度可塋地甲子具舟之杭哭諸劉氏劉循

治命候庚午以遺骨歸殯桐廬買山營兆所度處越明年正月二十八日丁酉窆以文槁殉兆在故起居舍人范公端臣墓右地名嚴陵郡以著名卽其地從初志作詩劍亭伐石表于墓曰粵謝翱墓蓋君嘗入剡見戴顓墓表云然窆之日同生年吳謙志壙其從孫貴以門人虞而歸婺祠之月泉君遺槁在時舊所爲悉棄去今在者手抄詩六卷雜文五卷唐補傳一卷南史贊一卷楚辭等芳草圖譜一卷宋饒歌鼓吹曲騎

吹曲各一卷睦州山水人物古蹟記一卷浦陽
先民傳一卷東坡夜雨句圖一卷游東西遊錄
九卷春秋左氏續辨歷代詩譜未脫稿選唐韋
柳諸家及東都五體在集外憶君始至時留金
華山中歲晚爲文祭信公望天末共哭復賦短
歌行以寄餘悲自是與余爲異姓兄弟不忍離
離輒復合每臥起食飲相與語意不能平未嘗
不撫膺流涕也君好脩抱獨刻厲憤激直欲起
古人從之遊其樹立有如此者顧死中年無後

翁衡與余子肖俱嘗從君授春秋未卒業諸學
者經指授率異嚮所能余雖早衰尚擬相從盡
衡霍之興歸而潛文字以老今已矣能無痛乎
姑叙顛末赴所知求爲銘且以俟後世君子友
人方鳳謹述

謝處士傳

謝翺者字臯羽閩人也父鑰性至孝喪母行服
廬墓終身不仕咸淳初翺試進士不中慨然以
古文倡作宋祖鏡歌鼓吹曲騎吹曲上太常樂

工習之人至今傳其詞侗儻有節嘗布衣杖策
參人軍事未幾善哭如唐衢過姑蘇望夫差之
臺慟哭終日過勾越行禹窆間北鄉哭乘舟至
鄞過蛟門登候潮山感夫子浮桴之嘆則又哭
晚登子陵西臺以竹如意擊石歌招魂之詞曰
魂來兮何極魂去兮江水黑化爲朱鳥兮其味
焉食歌闕竹石俱碎失聲哭何其情之悲也所
知淪沒碧血游空山川池榭雲嵐草木與所別
處及其時適相類則徘徊顧眄悲不自己夫鳥

獸喪其群匹越月踰時則必巡過其故鄉翔回
焉鳴號焉躡躅焉踟躕焉然後乃能去之若翱
者章皇山澤惡夫淚之無從也旣客浦汭往來
桐廬人翕然從翔學所爲詩歌其稱小其指大
其辭隱其義顯有風人之餘類唐人之卓卓者
尤善叙事有良史材作南史帝紀二十贊采獨
行秦楚之際月表所歷淞東西州山水必有游
記當天大足歷燕魏趙代間遺事故績且
涉大瀛海外盡識風物鴻濛之初度越子長矣

惜其悲鳴煩促天性固然其亡乎其亡乎士充
充入矍相持解不去憎聞翩翩自若也易曰浚
恒貞凶無攸利翺之謂乎或曰伯夷叔齊何人
也曰古之賢人也曰怨乎曰求仁而得仁又何
怨屈平非怨者邪精神漂散鬼語神詞變幻不
測翺豈平伍耶初翺亡恙時得唐方干舊隱白
雲村建炎四年江端友呂居仁朱翌諸賢爲文
祭臨水之神避地於此翺曰死必葬之作許劍
錄逮疾革語其妻劉氏我死必以骨歸吳思齊

方鳳葬我許劍之地二人果聞訃至與方燾方
幼學馮桂芳翁登翁衡奉骨葬如志夫以死生
託人不爽嗷自信矣哉其徒吳貴買田月泉精
舍祠曰晞髮處士歲時奉烝嘗云

贊曰唐宰相董晉爲汴州辟韓愈從事愈激知
已稱隴西公而不姓晉死從裴度度乃不引愈
用愈作弔田橫文以著其哀若翺者夫亦橫之
客也歟

謝臯父傳

謝君名翱字臯父延平人蚤事科舉學有志當世中遭兵火室家散亡購得一子軍伍中相與竭力生產僅自給屬繇役繁興不堪迫辱日益憤懣成疾以子粗達時務委而出游過嚴陵故舊館焉因娶某氏其地與婺接故常往來兩州間積十四五年指授館下生粲然進於文學性耿介不以貧累人所居產薪若炭率秋暮載至杭易米卒歲少裕則資遊江海訪前代故實著宋史補唐詩人無傳者三十餘篇傳近世隱逸

數篇歲甲午與杭人鄧牧相遇會稽結爲方外友牧罕讀古人著述謂文章當出胸臆自成一而君記問優瞻必欲中古人繩墨乃已所見不合日夜論辨互相詆及見牧所爲文乃起謝曰公不肖區區有所模擬然法度高古殆天才也牧因爲言杭大都會文士輩出余知若干人盍往見之旬日別去逮牧歸杭君已挈家錢塘江上問所從遊皆前所聞者其信好學也乙未秋牧薄遊山水間君病篤望牧不至懷以詩曰

謝豹花開桑葉齊戴勝芊生藥草肥九鎖山人
歸未歸益絕筆於此故同姓善之新與君交最
厚哭其舍累日爲著哀辭東西州故人門生不
遠數百里來弔咸哭盡哀奉喪去先是君買地
釣臺下將葬朋友無歸者至是君葬焉君生不
得志閒居常有憂色語聲甚微鬱鬱不平之氣
一宣於文讀之使人悽愴知其弗壽也婦煢然
無依子遠在二千里外存亡不相聞可謂窮已
嚴陵士風厚將有集君遺藁以傳後者志且不

沒牧歸悲惋不已誄曰上世之士以文取顯耀
而君窮於文痛哉臯父痛哉臯父錢塘鄧牧著

謝君臯羽壙誌

嚴子陵釣臺南岸唐玄英先生白雲舊隱西一
里是爲晞髮處士謝君臯羽之墓君諱翽福之
長溪人徙建之浦城曾祖景擘祖嘉父鑰母繆
氏祕書省正字烈之女君襲春秋學試有司不
第落魄泉漳間丞相信公開府嘗署諮事參軍
後遊浙東西州登釣臺慟哭公復作許劒錄思

集同好名氏築亭立石期衰暮無忘吳季子意
且將度臺南爲文冢異日竝玄英舊隱老焉其
會友之所曰汝社義取晚而有信甲午由鄞越
寓杭乙未春來婺睦復如杭秋八月壬子以疾
終于婦劉氏舍距生年已酉四十有七無子友
人吳君思齊等歸其骨買臺南地爲兆域越明
年正月二十八日丁酉窆以文稿殉從初志也
君平居與同好情甚骨肉而疾惡如讐嗜佳山
水訪故老所至滯留類遊惰士至講誦編刻輒
忘寒暑饑渴凡所著述欲直追古人不務譸一
世意所不顧萬夫莫回也晞髮本楚詞因以名
其集有詩八卷文二十卷憶君始至婺時余二
兄尚無恙仲兄命其孫貴受業從者翕然余家
浦陽江水源延吳君思齊方君鳳爲江源講經
社與君汝社合余與君同年生又相好也門祚
衰薄頻年哭二兄今又哭君追念死生離合之
故何能無感愴於斯遂伐石志君年行納諸壙
且俾貴於月泉精舍祠焉吳謙謹志

正野貴然且某論舍師爲其蒸蠶志
如河清無源則水竭矣升平之法若平於時
乘黃賦平哭二只今又哭其與念天主聯合之
城與香心城合余與香同平主又師校山門
前國工木煎與吳章思齊古章鳳雲玉派
只尚無恙於只命其格貴於業於香余然余
其美有詩八卷史二十卷對其故空琴於余二
母意而不願其夫莫回山師樂本焚陰四以
法與景對其凡所香與且成古人不香前一

跋晞髮集後

余按部至海陵儲少卿靜夫出示晞髮集一帙
乃宋逸士謝翱臯羽父所著余三復之愛其詩
文奇古可法且悲臯羽之志節將泯然不白于
世也遂篋付唐運使文載校而刻之夫君子嗜
義而殞身小人貪得而苟免使俱一時漸盡則
來者何所勸懲哉翱一布衣而樹立偉然尤不
可得後人所當亟以表章者嗚呼臯羽豈但文
辭之王哉讀是集者尚論其世可也

弘治十四年十月上澣日文林郎監察御史柳

陽馮允中書當

來時髮集明時凡六刻弘治間馮允中刻于海陵嘉隆間程與凌

美館今時刻于睦州新安二郡萬曆壬子丙申戊午先後刻此本及繆一

世鳳張蔚然二本余于辛未秋購此近于人迴樓借得與併二刻較對繆


文刻多謬不足據張刻最難因從校正間以繆本為之別以繆墨于張


本得逸詩數篇附錄于上吳自牧宋詩抄有晞髮近稿五十餘首俱

此本所不載暇日當錄於合訂庶成全璧云乾隆癸酉三月十九日

雲門鮑廷博識

修刻七卷又續補一卷
張刻十卷內附錄三卷





卷之四